


平原縣志



平原縣志卷之十

藝文志上

書目 舊志闕

六藝九種七畧之目志自漢書至唐部分為四曰經史子集

後皆宗之顧四部之名非唐昉也魏秘書監荀勗實始之而

宋齊梁秘書亦各有四部目錄書目之志蓋可少乎哉平原

著作莫盛於南北朝明焦弱侯太史經籍志臚列最備今或

不槩見矣與近代名山之藏賅舉其目俾徵文者得以考焉

漢朱建平原君七篇

見漢書藝文志儒家

魏管輅周易林四卷

周易通靈訣二卷

周易通靈要訣一

平原縣志

卷之十 藝文上

卷 破躁經一卷

算占書一卷

五行雜卜經十卷

烏

情逆占一卷

管辰管輅傳二卷

吳劉惔太乙要妙百篇

齊劉懷慰集十卷

劉善明集十卷

梁劉峻類苑一百二十卷

文德殿四部書目四卷

文集六

卷 注漢書一百四十卷

注九州春秋鈔一卷

世說新

語注十卷

劉杳要雅五卷

楚辭草木疏 卷

高士傳二卷


東宮新

舊記三十卷

古今四部書目五卷

文集十五卷

壽光



書苑二百卷

劉霽釋俗語八卷

文集十卷

詩集十二卷

劉敞集八卷

古今文字序一卷

劉訐集二卷

北魏房景先五經疑問百卷

東林日錄十卷

崔鴻十六國春秋一百二卷

崔氏世傳七卷

隋王老藉尚書注

毛詩注

唐高季輔集二十卷

宋趙自化調膳攝生圖四卷

原名四時養願錄

漢河詩集五卷

名

醫顯秩傳三卷

平原縣志

卷之十

藝文上

二

明石璫性命道德書

國初為知縣崔掄奇取去不審已鈹版否

采仕繹幕園集

存笥集

奏議摘藁

張敬比部集

高知止平原縣志十卷

趙時升醫學意譜

趙熠活幼心法

國朝董振秀修備要法十篇

趙重煦重修平原縣志

張完臣周易滴露集

安遠堂詩集

東村日錄十卷

海隅

寤言 鈔評陸劍南七言絕句

趙瑋典禮議略二卷

文聖樂元音一卷

董訥西臺奏議

兩江疏草

督漕疏草

柳村集十二卷

華瑄集六卷

董調疎快山房集

朱世則借槐亭集 雜著 明詩選

張湜四書講義十二卷 董訪似山亭詩集 前後二刻

董思凝養齋集 海棠巢詩詞 淮行草 滇行草

劉芬四書口授十卷 張伯瓊此君堂詩集八卷

張方載自娛集 聊爾集

陳誼讀書隨記八卷

碑記 序賦 啓附

事以文而有徵文亦因事而不朽其義留相資也邑志舊採碑記雖不盡中郎八字之題顧韓山片石幸猶不乏今更採其有關於興廢者補之以類爲次用當記事之珠獨以文也

平原縣志 卷之十 藝文上

三

乎哉序賦啓各一首附

重修城池記

元邑人謝文禧

縣邑之不修藩屏者肇自至元十三年平定江南之後我皇元混一區宇治教休明民無姦宄故也然承平迄今僅七十餘年葺爾徐方釋騷不寧國家廼有修理城塹之命至正改元之二年監縣文林郎也先不花奉中朝遴選乘驛蒞任及判簿將任佐郎王庸典史龍顯祖來爲僚屬躬督其版築穿浚之役循視故基規畫立法惟役富厚有丁之家趨事赴功戒以勿亟單弱小民咸得休息城旣高堅池惟深廣則東西南北安置大門悉建重室晨啓關而夜扃鑰官民安堵如也又於城之四周濠

之兩坡植柳四千餘株防護岸圯公之用心可謂詳且遠矣縣
當驛達之衝軍士馬駝經過浩繁宿頓多於縣治蹂躪日久房
階侈敗廳廊傾漏幾於不蔽風雨監縣公倡率僚吏咸割俸幣
以仍舊益新爲已任復勸諭里中義士李惟賢等僦甃甍石隨
意樂輸凡正廳三間兩耳房四間東西廊六十四間後廳三間
兩耳房四間東廊房五間西架閣庫五間厨舍三間更鼓樓三
間並前後甬路階砌修復完固輪奐一新遠逾舊制不終年而
俱各落成夫公職居牧民之長當多事之際萬萬供需曾不避
難而能以精勤辦事有方如此得非出於天性然也於是伐石
紀事以垂不朽可不偉哉至正十三年五月記

平原縣志

卷之十

藝文上

四

重修城池記

平原縣志卷之十
明邑人姚文淵

平原古郡也唐以縣屬德州國朝因之城則郡之舊也歲久傾
圯門不關鑰濠不瀦水民若野處莫爲之防成化初寶應周君
諱密者來知縣事乃役民修之於是早者以高陂陀者以平加
堞其上倏焉改觀周去尋復廢正德辛未秋遂爲賊所破百姓
罹害不勝其苦越明年壬申湖南道州陶君成字國器以鄉貢
擢知縣事甫下車痛民之荼毒也周覽而歎曰令以養民爲職
城守弗固食雖豐適以資寇如養民何且出示以王公設險以
守其國乃銳意修築民亦知所懲劊樂於趨事擇其屬之能幹
陰陽官者鄉大尹齊君高之子齊瑄委以監役而會費調度總

之已高加於舊

缺二

版廣四之一周以女牆犍之內爲巡警舍

二十有四置門四甃甃而闢鑰之嚴出入之禁起土於濠深及尋廣若尋者四濠之外爲郭高丈厚如之役民凡二千丁爲費五百緡有奇始事於壬申夏四月訖工於是年八月屬余爲言以記歲月夫設險守國寄民社者首務然而承平日久上下相安至有周章於有事之日玩愒於事平之後蓋不知其幾也陶君方蒞茲土一念斯民圖惟永賴舉于百年之類廢壯爲一方之保障其功不亦偉哉昔坡公築隄於杭有功於民民號曰蘇公隄平原之城安知異日不號曰陶公城乎余因所屬記之俾將來有考云正德八年長至日記

平原縣志

卷之十

五

新甃甃城記

見舊

其年日記

明邑人張蕙

萬歷十一年五月戊午平原甃甃城成士民稱慶闔學師生屬余爲記僉曰平原土城元至正年築我朝成化始建門樓然土多鹹隨修隨圯正德間劉寇之變可爲鑒已幸今聖明在上勵精圖治百廢具興撫按藩臬及守茲土者罔不殫心竭力爲國爲民金城湯池萬年保障美盛矣美則宜彰盛則宜傳盍紀諸石用垂不朽時邑博高苑王公策與吾平原幅員伊邇輔車相依尤力贊之余曰唯唯是吾邑之盛舉也曷敢以不敏辭嘗考周禮城郭溝池洫於司馬之屬禮記坏城修鍵繫於孟冬之月春秋城邢城鄆城郎城楚邱必詳而書之王公設險聖人域民

夫豈徒哉况我平原北拱宸京爲畿輔之股肱東望會省爲齊
魯之屏翰西通安德南瞻岱宗路當四衝往來相續地平土沃
無山河之限此邑之所由名歟城池之修誠今爲政第一義矣
議也始於前邑侯王公呈請撫按藩臬暨本府諸公經營方
事適以欽取北上喬公復補余邑公甫視事卽以身任之備稽
案牘綜理益周以庫帑未足也議請香稅以益之匠役丁夫工
食告匱也議請倉粟以補之甄灰造運均派於土中戶復議增
價以寬其累夫役派於下戶仍議用一緩二以節其勞議上兩
院藩臬諸公皆曰可城計五里零一百步約用甄一百九十一
萬九百有奇石灰三十九萬六百餘斤甄灰價銀動支庫貯節
平原縣志

卷之十 藝文上

六

年裁省里甲銀二千五百六十兩九錢四分又請發庫香稅銀
二千兩及動在倉粟穀一萬四千九百七十二石給散匠役工
完冊報城分四大工委令縣佐各督其事仍條分十工責令邑
人省相耆老四十員名夙夜勤勞至廢眠食城共計四門城外
各修月城一層復建敵樓於上四隅角樓四座四面各設腰鋪
學宮迤東水門一座上卽文昌閣肖像在焉池濬深廣倍昔
外築隄堰以備霖雨經始於十年九月訖工於今年五月冬
春初仍各暫停數日一甍民力一重農時凡四閱月而成財
用而不費民雖勞而無怨巍然奕然跋如矢如匪直壯觀誠足
衛此萬世之澤也載稽史籍及通志云荆方城而侮禦晉無

備而豐生鑿戒昭然言備之當豫也昔顏魯公守平原陽武悉
雨崇墉浚壑歷代建祠祀之安攘之功於今爲烈也喬公可幾
美於前矣工將就緒復承欽取之命今邑侯方公繼至更增厚
濬墮樓堞聿新二公未就之工今悉告竣雖然易稱設險而必
曰守國旣曰重門而又曰擊柝孟子亦云築斯城也鑿斯池也
與民守之夫城池至焉守卽次焉余邑城成三公咸有功於修
之矣若夫守之深有望於將來也因歷敘初末以識歲月云爾

重修縣城記

見舊
續志

明邑人宋仕

平原北望燕薊南接祝阿東臨犁邱西通清河無上下陵谷高
深之險而塊然一城若蓋之焉明興仍勝國之舊迨今上卽位

平原縣志

卷之十

藝文上

七

之十年河中喬公起鳳來令是邑始飄菴之越二十有六年漕
淫潦之浸蝕城無完膚如剝如脫時者岸崩欹者獸臥可憑可
陟爲縣之憂邑侯黃公景章旣承王命乳保平原急病軫痾剔
蠹流膏期月而可政通人和室有襦袴巷有歌謠乃顧城雉興
念剝然曰嗟乎旻天不弔降災旣漂民禾復撤民衛如絮敗焉
不聖益紛余將以衆力攻之恐興役之不時爲斯人厲且虞用
不給不克終圖以爲執事憂於是監寐亦思日夜疚心苟命於
上咨諏於野僉謀旣同乃糾工議出橐金以佐工費而薦紳士
民爭發蓋藏扶義而起遂量雉須材酌工賦役均餼命食城之
圯者葺布星散數之以尺哀多續算得一千五百五十有奇工

用之屬以枚計者七十四萬以劬計者合枚之數而再晉焉持
畚鍤而從者三十餘萬指而圻匠之徒雜選各核其事凡用金
一千二百餘緡穀六百二十餘石而竹頭木屑匠役廩餼之用
悉闕於經費巧者思壯者力三閱月而奎角埤堦雲燦霞披屹
然若鑄金而四輔之役不踰時王不再計百姓咸知我侯之敏
規制有方出納有經百姓咸知我侯之義不勞衆而得逸不趣
令而集事萑苻戢念婦子攸寧百姓咸知我侯之仁嘗試與衆
登城而望青碧輝煌帖然若幅幔而禮禮者前日之敗壁頽垣
也纍纍若巖石而壁立者前日之委土也突低廣袤若斷若續
介若瀑布直洩而遠注者前日之傾圯而中截者也衆曰侯於
平原信有功矣後之有幹有年於茲邑者誰知我侯之覆露者
遠也余曰然請聽輿人之誦記之以銘侯績且以告繼侯者是
焉是敘之無忘侯功也

平原縣志

卷之十 藝文上

八

重建四門城樓併修城垣記

國朝邑人董訥

將爲民社樹不朽之功利賴當時聲施後世則必經營相度百
廢具舉始足以共信其將來然一有興作勢必勞民斂怨功之
所在誘卽隨之是大不可平原本壘土爲城明萬歷間喬侯始
堯以甌未幾淫潦浸蝕甌盡剝脫後黃侯嘗重修之而卒不固
數十年來崖崩獸臥之狀不堪寓目四門尤巉兀勢若齒牙之
動搖行者危之邑令欲從而修葺則貲無自出計惟履田畝按

戶口捐輸在民庶幾易舉事又近於苛加令不敢承大吏亦不
肩其責以是傾圯者如故而莫之間高陽李公瑤來尹茲土慨
然以民社久遠之計自任目擊城之圯而熟籌費之難也因集
好義者若而人與謀曰城以衛民而又脩民之力是厲民也且
夫闔閭闐闐之間士大夫多託足焉漁樵農牧恒散處田野苟
其賦以自衛可乎乃出俸金鳩工庀材而紳士爭發蓋藏以襄
厥事而民無與焉城高二仞有奇延袤五里餘其間裂者畝者
剝落者中截者不知凡幾丁夫匠石之繁塲坊餼廩之費又不
知凡幾公一人綜理之裕如也越一年而工竣向之頽然委土
者今且巍然壁立其畝危可怖者亦磐石安之且新樓翼然如
平原縣志

卷之十 藝文上

九

鳥斯革矣是役也小民安堵弗擾於役紳士急公若相忘修葺
之勞非公長才善馭有以鼓舞而興感之亦何能不費民間一
錢羣扶義而起者如是哉或者曰平原趙公子勝食邑也侯於
斯守令於斯者代有偉人公之門第才品類亦宜傳不朽故其
行事皆遠大或又曰平原城古隄旋峙大流環繞襟馬頰枕盤
河地脉平行雄文之勢也城郭完固科第蟬聯益甚此舉實嘉
賴焉宜爲文以勸之貞珉余時會奉

命督兩江事便道經里門敵櫓雉堞大異昔觀且夜無犬吠俗鮮

鷄結黨塾不輟絃誦罔幾至空虛深歎公之留心民社有裨
吾土而規模宏遠已見一斑公之勳施震耀於天下後世者正

亦有艾也是爲記時康熙二十有六年夏六月敷旦

重修縣治記

見舊志

明知縣新淦朱良

平原漢以來倚郡爲縣隋唐宋金元乃隸德國初因之縣治在城東北隅前代建置不一元末廢毀國朝始建官廳三間更久頽敝雖屢經修葺然規模基址卑陋不稱弘治庚申仲夏予承乏出宰茲土每政暇商於二三僚友曰縣治一方偉瞻生民之休戚固不係此政務之張弛亦概於此見也前此欲修未甚頽敝頽敝之甚適當今日吾乃坐視其敝而不修後終必有修之者將得指其隙而訾之責將焉歸或有以爲土木一興必勞民傷財斂怨於人是大不然夫今日之民之財卽異日之民之財

平原縣志

卷之十 藝文上

十

况所當爲吾爲之奚恤夫人議來任之明年秋呈監司出官帑金三十兩鳩材聚工循舊制而增益之窪者填塞之高者平治之卑小者崇大之隘陋者開拓之帑儲不足又從而區畫之功始克就尋建正廳五間軒豁壯麗視前更新東爲幕廳西貯龍亭儀仗各三間椽分爲七每房三間計數二十一也東次三間爲馬政科西次二間爲承發司又次有架閣貯器二庫清軍清匠二局造作有所派糧有所通計十二間焉甬道中有我祖聖諭碑護以亭前三間爲儀門門之東西八間爲耳房以處隸卒鼓樓大門外蓋旌善申明二亭東西相向屹立廳事後有堂三間中建過廊五間由之而入堂之左四間其一齋居所其一

平原縣志 卷之十 藝文上
子孫執役者及其上立亭以防不虞最後爲公廨舊多傾圮剝
落適以漸葺理總計三十餘間宜燕息公廨旁有隙地一區治
爲圃種蔬菜鑿池疏流畜鵝鴨以供日用賓客之需間又命民
兵築土城高一丈七尺周圍五里許每百步設一舖便巡視有
舊規而聿新其制三義原有廟也而今則改作魯公原無廟也
而今則義起之親爲督工靡不周備輪奐聳觀創於弘治辛酉
之七月閏四年甲子工甫告畢時將落成邑之士大夫太守王公
彥平暨鄉進士杜君成章上舍李君宗堯偕父老輩咸酌酒相
慶曰明公下車百廢具舉第恐歲久名湮願並記其事用傳不
朽余意此非及民美政何足傳衆強之不得爰著於石

平原縣修廟學記

見舊志

元翰林院編修東阿李謙

先王建邦設都樹后王君公承以大夫師長惟以亂民亂云者
治之謂也蓋兼有君師之道焉縣尹去民尤近以導揚風化爲
職庠序風化所自出善治者必以是爲先務然縣有劇易事有
繁簡處劇若易理繁猶簡者非才有餘刃能然乎平原當南北
驛途之衝簿書獄訟徵發會遣與夫行李往來廷勞郊送日不
暇給今達魯花赤札木合尹張元規簿馬汝弼方爲縣倥傯能
知以興化勸學爲己任其賢矣哉縣故有學居城東南廩燬於

金季之兵初儒士蔣文憲存偕邑人爰舉斯役爲殿三間賢廡
畧備至元七年縣達魯花赤札忽兒始闢講授之室以舍師生
逮札木合元規汝弼偕至以故殿卑陋規制狹隘不足展禮容
相與圖議曰聖代崇尚文治吾邑雖褊小有人民社稷亦古者
子男之國揣分思職在興學爲不可緩乃共割俸幣邑之尚義
者聞風胥勸輸所有雖恐其後司出納董營度則擇謹厚者授
之伐石於山取材於民撤故殿一新之爲開闔爲齋序爲庖爲
庫不踰歲工作告成奉安聖師配哲像歲三仲月朔望釋菜獻
享如禮教諭高從正不遠千里來京師請志其事於石竊惟人
性根於天未始有今昔之異而學隨世變則有今昔之不同君

平原縣志

卷之十 藝文上

三

臣父子夫婦昆弟朋友人所有也其相與之理各有攸當非爲
之長上者開導訓迪將失其本始不知有教道之實人之所以
學師之所以教聖賢之所以傳以之正心修身齊家治國平天
下者此外無他說今之學者則不然呻其佔畢作爲辭章馳騁
辯說簧鼓一世以爲儒學極致求之古人之學相去遠矣今學
成教舉所以惠淑邑之子弟作新耳目縣長貳可謂不負所職
矣爲士子者所當體承明府美意朝夕警省講明實用以究夫
爲己之學若夫本原經傳覺悟後進則又司教導者之責職思
其居其尚勉旃元貞元年記

重修廟學碑陰記

舊志

元教諭李思誠

乙未之春前平原縣官僚飲饗詔縣中賢豪捐金割費
材鳩功撤宣聖故廟像輪奐一新宏敞峻整有光於前邇邑
比翰林學士李野齋既爲文以表之惜垣墉丹雘講所階砌未
竟備以代去功緒中輟歷五星霜而郡守內翰傅公至公文章
經濟才也因按巡部屬臨是邑來謁奠顧而歎曰若人也功至
是逼於去任不克竟願良有憾焉任其後者何忍坐視遂諭
縣令簿司屬衆皆忻應分工董役不再月凡前政之未備者悉
備之功方於前殆爲髣髴所謂君子成人之美於茲可見落成
之日邦人太悅曰旣申作者之美請誌述者之功刊於碑陰以
壽其傳使後之視今猶今之視昔則廟貌之光將不特美於今

平原縣志

卷之十 藝文上

三

日矣僕義不可辭直紀其事且以邑長條佐名氏附焉庶流芳
於來者亦勸善之助云大德五年五月七日

重修宣聖廟碑

見舊志

元民甸副使恩州王士元

吾夫子之道與天一天無不覆道無不在也父子之親君臣之
義凡藝倫之所以敘皆本之天凝爲道而宰諸吾夫子自通都
大邑下及蠻貊有生之物孰不戴天而履道然禮有定分不得
爲之於天得爲之以報斯道者舍吾夫子其誰哉况承平日久
典制所遵是宜郡有學而邑有祀也平原今邑之一當燕齊之
衝而密邇鄒魯宣聖廟在邑異方創於有宋中丁變故蕪廢者
嘉金承安五年皇元元貞乙未嘗再新之迄今又四十稔歲月

所漸風雨所剝宇者疎垣者夷虔無於揭靈無於妥而報施之
表泯泯也元統中曹南張仲鑑以名臣軌孫來尹是邑擴清白
之緒業治功將成民富可教時春上丁舍奠先聖樂奏就位而
蹙然曰惟體天淑人之澤雖越宇宙當享不渝吾治亦劇邑也
何祠宇之陋如是乃割初亞終三獻官奉從以志士豪民之助
資材篋募匠方朝而聽訟晡而撫工館客之暇而輟董役雖吏
牘山積驛使星鶩而經營之勤亦無傾刻間廟屹且壯不踰時
而告厥成功聖有殿賢有廡師席有堂生業有齋門垣尉廩諸
禮器并并咸備是役也汶上張元凱主邑簿萊蕪潘居敬叅幕
是實協贊之明年二月丁丑前夕漏三鼓尹緋衣象笏率僚屬

平原縣志

卷之十 藝文上

古

鶴立殿陛燎煌亘空瓦碧鄰鄰椒塗輝葩假官懸勝蠻尊彝壘
奠藉遵核鼎羹深粢粢充膺具祝幣蕭管煮菁翳脯與脯博士
弟子員陪列冠服周章濟濟相後先贊者以次舉至徹俎則訖
爭而合燕矣學諭觀城陳容列狀走幣款士元文諸石士元之
后抵平原不遠兩舍聞張尹之政不專於寬而人安之不瀕於
猛而人畏之凝神物初存心道先仁而父子睦而吏民和而長
貳遇諸途則異老穉修諸家則嚴衽席田弗督而劬俗弗誘而
龐骨弗惕而一身以先之誠以將之忠以行之治之撫聖之衷
也廟之崇治之旗也一邑而天下一尹而大臣屹爾守淵

廓爾焉則內望外王之績夫何難也乃其於三代之

倥傯之隙而能成從容報本之功吾知張也優爲之在所不論可也旣敘而爲詩以繼凝安九變后其詞曰昊穹冥冥臨下有赫篤生元聖作羣黎則人我域我年我續我願言報之云不我可閱宮王章肇唐開元孰構於原天水之完起廢回傾勳集昭代俊造林林於焉滌漑春兮載絃秋而咏歌思樂頰水菁菁者莪有盎其醪有蕙其肴鳳鳴高岡燕齊之交燕齊之交文明之阜誰其尸之張仲孝友惟仲孝友維國之楨作廟尊王展也大

平原縣修廟學記

見舊志

元國子監司業恩州司廩

平原縣志

卷之十 藝文上

五

聖也聖遠言湮非學不覺故古之郡邑皆有學卽學爲廟春秋上丁釋奠於先聖先師者豈非以化民成俗其必由學乎學莫盛於三代而極備於成周自封建五等之爵罷天下爲郡縣承流宣化共理之效責夫守令號師帥之官其間遵古治迹選賢得人惟漢唐爲最故文翁常袞雖在建蜀莫不有興學之效蓋由教化之本太平之原一日不可廢也皇元混一區宇文教敷宣至元甲午制諭中外畧曰孔子之道垂憲萬世有國家者所當崇奉大德丁未加號大成實前代未顯之徽稱我朝非常之令典列聖相承責任風紀勉力守令提調其於吾夫子崇奉之意猶與盛哉平原縣廟學宋金故基兵燬之餘再經營建至正

二年秋八月縣尹晁邦直懼夫歲久日入於壞議所以修復之
詔謀僉同迺資祿廩市材斃躬自董督刻意專勤以完舊益新
爲已任正殿完飾巍然煥然兩廡撤而新之遠逾舊制七十子
之徒及歷代名儒有功於世教者復其繪像而列焉內外有門
周圍繚垣講堂齋舍疎圯者莫不葺理固密役者悅其使匠者
兢其心視其規模甲於鄰邑甫二月言成邑長老士夫歎艷厥
績推教諭盧彥實儒士董士能來屢請記竊惟孔子之道廣大
如天地昭明如日月萬世尊而仰之然其爲教非有甚高遠難
行之事亦不待求之民生日用彛倫之外惟曰君臣父子夫婦
長幼朋友各止其所當止至善之地而後已卽綱常理而世教

平原縣志

卷之十 藝文上

六

明也嗚呼吏者分天子之民而治焉分天子之士而守焉其於
民俗教化之本可不倡導而風厲之乎今晁侯處親民之職當
驛達之衝徵賦浩穰期會峻急獄訟糾紛簿書雜選無難劇繁
無恤倥傯而方以廟學爲務可謂知本者矣侯昔同舍爲國子
生由賢關而來况職司提調其悉心殫力也固宜繼自今學之
士瞻聖賢之廟親學聖賢之實學慎勉厥修無姑爲游息地庶
幾齊一變易至於魯且至於遵人材輩出罔俾建蜀化效專美
於前斯無負侯之用心矣癸未歲冬十有二月望日記

重修廟學記

明邑人趙見圖

今上卽位二年斥奸佞表逸民直枉旣清風俗於變猶慮士教

未端聖道弗顯乃命有司警道路戒鸞輿以正月廿四日幸太
學特性祀孔子勅諸路典學使者申明庠序之教於是天下曉
然知重名誼罔不洗心易德風於潔廉吾邑素淳樸人不習諂
諛今邑宰殷公聘之復飭躬砥行仰體明天子至意月進民之
秀者課業於明倫堂申之以孝悌忠信之義且捐俸爲倡以新
文廟大夫士願從者聽積會所得共計若干自巳巳三月三日
工興越四月告成事其改叛者爲啓聖祠爲敬一亭其飭舊者
爲大殿爲明倫堂爲尊經閣爲兩廡爲前兩門爲左右兩坊所
新建者爲前坊夫以工計木以根計瓦甃甍釘各以枚計灰以
石計各若干而私不擾公不費焉於乎非公身儀率先而能若
平原縣志

卷之十 藝文上

七

是乎圖謹按孔子立教本於虞廷執中故其道洗心退藏闇然
爲已修其本而末自應如論語所稱慎言行寡尤悔之說初非
詔後世借以謀祿也自科目設而人競趨名師之所教弟之所
習父兄之所責成無非以甲第爲的而衆射之而徼云聖人若
是無乃過乎漢制賢良方正科意猶去古未遠其時尚多力孝
悌明經術者至唐以詩賦取士而駢辭儷語皆得梯榮宋重理
學庶幾不絕一綫我明神聖迭興名賢輩出數百年來黜異學
崇正道今天子復奮神武掃靈霧而揭中天平原去京師數百
里猶近日月之光公又振民育德用新先聖遺緒茲役也將有
未施敬信而民行已興者豈但於桑丹黃爲耳目前一偉觀已

耶而圖尤願爲我邦人下一轉語今天下競竊子姦經以欺世
獵名而吾邑獨樸茂不至見異而遷然其志於干祿則一也苟
猶爲干祿起見則去聖賢闡修之意遠矣且夫積禮義者豐於
德積名教者豐於業故易曰見善則遷有過則改利用益也懲
忿窒欲利用損也我邦人其有卽是而悟修身法者庶不負公
無斃譽髦意而他年上楨王國其所以表章聖道潤色鴻猷者
自此日基之矣圖固陋無文何當掌記之役然不敢辭者以圖
之祖廉憲公焯暨今叔父庠生時新等皆先後領修學事而圖
又得挂名文字間以世託於有事爲榮之志豈非生平之厚幸
也哉乃拜手稽首而作頌曰於穆清廟實實枚枚於乎孔子大

平原縣志

卷之十 藝文上

七

成巍巍歷帝是崇興賢取才千有餘歲俎豆孔懷文德代昌重
明麗正明明天子宣樹風聲殄芟翳蒼示民景行聿求聖道聿
觀厥成吉蠲用享於平勸民彛倫攸敘四海作新如日之照如
風之薰葭爾平原逖聽忻忻民興於仁士質而文降我教師曰
易水殷敬爾威儀式於孔羣治旣和止教旣洽止告我髦士妥
先師止不有日月爾目則昧不有飲食爾腹則饑爾淑何教而
俾廟墮聿新棟宇載謀載惟乃求大木九丸松柏是斷是度是
尋是尺榱桷有寫簷楹孔碩新廟奕奕殷侯所作先聖是皇士
民以若崇禎二年秋九月九日記

重修文廟碑記

國朝翰林院編修山陽周龍旨

乾隆戊辰春

天子東巡守至於岱宗首行幸闕里祇謁而人感其德風吹
孔林典章隆備凡俎豆禮器有加修焉恩覃士類以風厲學宮德
意至深且渥時東省民饑復大沛不恩綸捐賑數百萬緩輯而安全之以故十郡士民各得其所蓋教
與養並舉正德厚生唐虞之治由此其隆也平原地當孔道輪
蹄之所衝會自漢魏齊梁以及我朝聖文宗東魯合聖人之邦
朝人文蔚起蘇於簡端舊有學官在縣治之南創於宋備於元明
國初屢加修葺迄於今六十餘年來漸就頽敝邑侯深揚黃公勤
於政治

平原縣志

卷之十 藝文上

九

鑾蹕旋後毅然以修復爲己任捐俸資倡新舊制凡殿廡門垣暨
崇聖名宦鄉賢忠孝節義諸祠胥燦然改觀而邑之士大夫亦羣
相襄贊以副公望去歲嘉平之月予至歷下今年春公以修學
之狀告予聞而賢之竊惟廟學之設遍天下東魯係聖人之邦
尤禮教之所薈萃茲斯土者疇任其廢墜而不加意顧政治未
敷力有所不能及而士佻於城農荒於畔者有由然也山左比
歲凶歉其民衣食不贍有岌岌然不暇治禮義之勢公莅任以
來敦本務穡雖間值歉歲經理有方賑卹有法故道無流亡民
氣和樂然後乘以學校之務事不擾民而人無廢業雖愚者亦
各安其室家而衆著於學問之道則所以仰慰

天子卑民訓俗之至意以起弊扶衰而垂於無窮者蓋惟其操
之有本審其所急而次第圖之故其施不匱而其治不勞而成
嗚呼公可謂能於其職者矣昔總憲董公默菴督漕吾淮曾修
學宮復紅欄舊制爲之詩以貞諸石吾鄉人至今稱誦不衰嗣
予與修邑志拭其斷石錄其詩而梓之今平原爲董公桑梓之
地而公之修整廟學其視董公之治淮徽蹟並重而予適來此
得目覩其盛概抑何幸歟吾知是邑人文蒸蒸日上如董公治
行卓卓方未有艾則公之昌明聖教以宏襄文明之治化者是
役也豈其粉飾治具云爾哉於是乎記

洋池記

見舊志

明教諭閩中王學夔

平原縣志

卷之十 藝文上

三

秦嶽雄於寓內聳伏盤旋西折迤入平原原固泰之陽也北控
鉤盤南襟馬頰沃膏夷饒原隴基置其氣鬱腴必將暢爲人文
靡學士無種萃矣自有元混一而原學草創國家以來檣梧規
畫或廢或舉碩英獻詰之生或斷或續蓋至於今賢官猶有闕
焉墜前坎後墮窳相因未有修者夫數効於天氣毓於地而應
動於人劉侯來令茲邑澤浹民教覃土惠豐而斂薄禮備而刑
疎慨然陋學制議厥新之僉謀既合遂營治焉自櫺星門南逾
中道去障垣立華表華表之前鑿池引水甃砌以週如半月形
橫亘豎欄玲瓏掩映池之南架恩屏樹藻繪魚龍鬯序改觀煜
然壯麗後之坎浸實且有日凡工材陶甃畚築之資悉取之節

飲縮食篋俸橐蓄不以一瓦礫闕民費起於庚寅六月彌月而
事竣舉數百年不克集者眇昧而舉余遂率弟子員相與贊拜
銘碣且和落之載酒於榼實肴於豆執爵而諭於衆曰爾多士
幸澤棠芟沐文愛櫛刷頰誨原學爲一磷楚矣吾聞之學序不
昌良牧憂也良牧不惠大數奇也數偶而學昌無裒然盛服先
生接踵以立於其側二三子羞也今天下民少瘁矣天或者其
啓侯衷祚原庠行且有泥蟠雲飛登台鼎淨塵氛爲元元福曜
以軼漢之高成者乎其無負父母師帥之意也是在二三子二
三子慎修哉余直目埃矣有厠於下者起而言謂是舉也虛前
實後無亦與青囊經所稱明堂正氣有合與余披襟正色危坐
平原縣志

卷之十 藝文上

三

而領之曰有是乎有是乎否否夫前之池以虛納也後之培以
實養也養厚而中虛劉侯之訓以象授也多士勉矣堪輿云乎
哉僉曰信哉請書之以爲記劉侯諱思誠字克實別號定宇北
直隸山海衛人

學田記

見舊志

明邑人宋仕

余讀漢史至文翁化蜀事則咄嗛三歎焉夫西京二百年中郡
邑長吏至不少也其傳爲循良有治行者乃不過數人而文翁
爲之最至其所津津讚慕以爲不可幾及者直以興學一事當
之固非有卓爍絕人之績也古之所以求於吏者不已恕乎其
無乃興學石文實長民之首務而不可後者與當漢之初巴蜀

號爲僻陋有夷風其後學於京師者至比齊魯而俊士馬卿揚
雲王褒之流接踵而興以文章名當世則翁實啓之史又以爲
天下郡國立學校官亦自蜀郡始此其名與日星並麗矣吏積
之良豈足道哉國家申布功令廣厲學官自百室之邑無不築
采芹鼓篋之宮萃衿纓之士而食之於是原隰沃衍之田間
徵其稍入佐焉不領於大農之經賦上所以長養人才澤至厚
也其後法令滋章俗化浸薄吏治如救火揚沸日不暇給安能
以其餘爲講藝育才計卽有能者又視爲文具漫不省視甚之
直以法困諸挾書者流得無徃役足矣以故文化日盛而士之
所爲得用者謝前人遠甚則非其上之人責哉平原於古爲名
平原縣志

卷之十 藝文上

三

郡降而爲邑建學造士有日矣而無田以給卽有貧士罔所仰
藉談者少焉邑侯王公以萬歷四年來尹茲邑法布惠覃吏民
咸被於崇儒興化尤兢兢在心旣躬自飭厲以勸多士卽有吉
凶不能備禮者各以多少振之猶以爲不可繼也乃自出秩金
若干買鄭家屯民耿粥地六十畝薛賢地六十畝置牛車二乘
以本屯義民黃京佃種課其租上學宮貧士之有婚喪者於是
取之田成師生來謂余曰天佑原邑俾我君侯實鎮撫之諸生
是以得徼大惠其敢不佩服以求君侯之既不勝大願願斷執
事賜之一言以昭示無極君侯有光藉焉余不獲辭敬諾嘗以
爲文翁際漢草昧興教於僻壤絕徼中其效已彰彰若彼况遭

列聖重明累洽人文化成而平原在齊魯間自漢以來名師大儒彬彬輩出下至東方禰生之流亦能以瑰節奇文流耀今古固非蠶叢魚鳧之墟可比也以公之惠深陶而厚植之俾諸生有所資借以自淬磨波湧雲霽幽深習昧悉耀於光明揚馬王褒直下陳耳今天下以學名者往往無田誠使郡邑之長有所慕效各以便宜置之推其所自則平原令先焉不埒如蜀守事邪公名維藻別號淮洲河南信陽人年少有才力以恩選試宰下車以來日夜拊循小民問所疾苦辟地殖穀野無赤壤招撫流亡歸有廬焉旱則露禱饑則弛祿賑之故涖政未幾而平原之民咸有所噢咻以無隕墜常有傳循良者累牘書之蜚英騰

平原縣志

卷之十

藝文上

三

茂軼聲前軌不第如漢史中僅僅取興學一事卽已也

重建奎樓記

國朝邑人張拭

縣之有學也所以明人倫敦教化厚風俗也迺宮牆而外又必擇吉地建奎樓無非藉神道以翊文運期大暢夫興賢育才不厭不倦之心焉爾我邑奎樓爲學宮之巽峯志莫詳所自始亦不知廢於何年康熙後壬寅董子克錫與余次男方載同謀倡修沮於堪輿家言不果閱前歲己酉張子試謀復又不果豈文運振起必需其時與抑盛事勗舉非其人莫能任與茲者孔暉衍楠劉諱掄兩先生秉鐸吾邑憫文事之不振慨科甲之乏人於課士論文之暇商及學首霍子培任子汝楫思欲微靈奎宿

以爲子丑先聲二子躍然起對是固向某某之所有志未逮者
遂相與請命前宰李公公旣慨捐而一時邑紳士亦莫不欣然
出貲共襄盛舉於客歲之冬說工焉維春仲旣奉奎宿像於樓
以安以侑而培等且恐久而復湮謀壽諸石來丐言於余余旣
幸文運之興自今伊始而又嘉諸子同志與夫慷慨樂施者之
均不可沒也因爲敘次紀其本末云時雍正十年三月日

閑道書院記

見舊志

明山東提學副使安福鄒善具

平原縣治東有雲龍寺釋氏營建未及成鄭命金謀於鄉大夫
士改爲書院額其堂曰崇正而門仍其名予易以閑道因爲之
記曰昔孟子欲闢先聖之道而以正人心息邪說爲已任今之

平原縣志

卷之十

藝文上

三

爲吾道害非佛老耶閑之將何如欲闢邪以閑吾道其惟明道
乎道之不明雖曰倡闢邪之說終不可得而閑也何也道本於
心吾心之體湛然至靜而足以涵天下之動凝然至寂而足以
應天下之感此吾道之全也自秦肆焚坑之慘而儒與書俱泯
滅無存漢儒區區收拾於煨燼之餘各守經師之說以相授受
而竟不能奪黃老之習唐韓昌黎氏有志於繼孟子而大其聲
以闢佛然跡其所以起八代之衰文之外無間也然則釋經著
文豈閑道者之要哉宋周子程伯子相繼崛起乃揭一者無欲
靜虛動直爲學聖之要指大公順應爲定性之功於是聖人之
道如日中天而天下曉然知吾道之全是亦何嘗有心於闢邪

而二氏者自不足以亂乎其真然數傳而寢亦以晦諸儒之號
爲閑道者又復區區圖固其藩籬之迹而凡二氏竊吾道之精
微以自秘概從而闢之以爲此二氏之過高論也殊不知二氏
之言其合道者皆吾儒之道而其拂經畔道則以所見之偏今
欲闢其所見之偏乃併其合道者一切禁絕之而裂與之若相
汚染然其若何夫子曰吾有知乎哉無知也指吾空空之真乃
避空空而歸諸鄙夫其稱顏子曰回庶乎屢空指其幾於此體
也而曰空墮是何避之太深而裂之太嚴耶審如是則所謂寂
然不動毋意必固我無伐善施勞不更空耶自是天下之高明
者以爲吾儒之道不過窮物理精辯說反不能如二氏之茹乎

平原縣志

卷之十 藝文上

壹

其真而世復以科舉之學驅之故凡徒藉聖經以取世資者亦
已矣而其有志於近裏以求身心者則反舍易論孟不玩而注
其神於佛老彼見吾儒之所闢者如此吾身心之所近者又如
彼於是或陽擠而陰與之或哆然以爲真詮在彼而不顧其非
矣嗟夫彼豈誠溺於是哉不見吾道之全故耳使真見吾道之
全精之足以究身心性命之微擴之足以理天下國家之大不
離乎至靜而動自直不離乎至寂而感自順將汲汲焉敏求之
不暇尚肯舍吾之至寶而旁索於鄰家也哉故凡道之不閑道
之不明致之也道之不明閑道者之口裂自小也是故明乎此
體之全然後以禁則齊明乎所以全此體之功然後以閑則至

因者其說以告來者使知正人能以道誠在此而不往彼也
書院前爲門中卽崇正堂兩翼爲飛輪若干令能修政事而聯
師儒以崇正學是亦有意於閑道者於是乎記
按此記以閑道爲名而其中顧不免寬假二氏之語空空曩
空尤屬別解竟似欲援此以入彼者道之大閑不幾裂耶蓋
鄒公文文莊祭酒爲姚江高弟公沿襲其宗旨而
流弊轉甚耳然此記固書院之餼羊也仍存之

重修三義廟記

見舊志

明山東右叅議鍾陵張臬

世傳桃園村爲後漢先主始與關張締結之所今村在平原西
北十五里故有三義廟尚存後平原人改建廟於縣之南城外
以便崇祀迨今無遠邇奔走不衰諸遇災眚疾疫禱之咸若響
答謁者無不肅穆蓋一方之福祇矣日久廟寢圯居民井憚主

平原縣志

卷之十 藝文上

三六

廟道士蔡教松糾耆民荆邦本趙林等共圖聿新適貨物涌至
遂肇工於嘉靖九年庚寅春越四年癸巳正殿落成惟門廡缺
焉迄十八年己亥我中丞堯我曹公奉命巡撫東夏是冬丙子
涖茲邑觀厥俗輯又嘉之尋弔茲廟益乎感欲崇以風立命知
縣陳震弼曰平俗之休神之貺也汝知乎茲門廡弗鳩其何以
嚴廟貌而妥靈爽亟移計羨金若干付董事者卽曰鳩工不再
越月而重門翼廡矯然如翬公喜民益慰悅無何分守叅議張
臬分巡僉事張三畏都司翟欽往候公公因屬臬記惟三義之
顛末耀在誌記備諸野史夫人類知之而平人獨爾信向何也
考之獻帝時先主嘗爲平原相與關張素友善疑卽結義之說

今觀著靈茲土而平人殫誠乞福必非淫於神者且能新厥廟
宇何有於門廡直須我公惟公耿介峻潔履道服義神固聽之
非以機必相感若或待之耶或曰三義精英譬若一元之氣磅
礴宇宙靡滯方所別其經綸蹇頓迹多荆益之間神或依憑宜
不去彼能獨眷戀於茲乎予曰不然三義之結事奇而正非偶
然者方其矢心締盟精貫金石將天地日月山川鬼神固不鑒
昭非平原乎厥後馳驅四方間關百戰夷險死生相保未嘗一
日忘茲義也不忘茲義豈能忘平原哉荆益之迹冰之委流然
耳王業之徂氣之委化然耳運移漢祚賢知曷尤而締義弗解
則生盟於斯沒率於斯亦理也不然神曷爲著人曷爲崇我公
平原縣志

卷之十 藝文上

七

曷觸而感夫惟義是故關張之列於先主匪僭平人之祀先主
匪贖從厥初耳夫義人性也義問之宜足感人至淪於肌骨矣
是故千載而下能使人慨然感慕而敬信之亦風教之寓祀典
所宜舉者神之有無豈必論哉茲廟不崇是不欲民嚮義可乎
茲公之意也鐫以告平之人俾勿怠公諱蘭秦之咸寧縣人是
爲記

重修三義閣建醮碑記

國朝邑人朱泗濱

三義者何專祀也何言乎專祀郡邑之祭自孔子社稷而外皆
得祀其山川墳衍古昔聖賢則平原之祀三義其專祀也固宜
平原爲漢昭烈棠里桃園古驛在邑西北相傳爲昭烈與

張將軍結義之所其事未可盡信按史稱昭烈與帝
軍出入必偕權好無間則三義之名其來已久城南關有三
閣爲一邑壯觀邑人春秋報饗恒有事於斯漢制守相與州刺
史並爲親民之吏昭烈爲平原相外攘黃巾內勤職守吾邑之
高曾並受其賜敢忘諸乎若夫帝君之英靈冠古今震華夏所
在有廟而吾邑之受其覆露者獨厚水旱必禱兵荒疾疫必禱
有禱輒應人情於其游歷之地戀戀不置以人況神理或然與
平原故趙地東連秦峙西擁馬頰風土爽塏人士磊落英多好
尚義俠其專祀三義微獨古人遺愛抑亦性之所近云爾康熙
庚戌廟燬於火道士趙冲電力募諸衆積有歲年乃克告成六
平原縣志

卷之十 藝文上

天

月二十四日爲帝君成道吉辰相與建醮祝釐余亦往瞻拜眾
揖余而言曰公昔宦游荆楚曾一至赤壁觀昔者昭烈鏖兵之
處否乎曾一至襄陽觀昔者帝君水滄七軍之處否乎余應之
曰然衆皆蹶然喜曰我等以三義爲吾邑所獨有也今乃知非
吾邑所獨有也雖然公試思此巍然者昔日之煨燼也雖昭烈
與帝君之烈烈轟轟不可磨滅者不係於閣之有無而吾邑之
父老子弟非修閣建醮何以展其私心耶公其爲我記之余辭
之者再不獲已則諭於衆曰爾等所謂良善然三義之祀非吾
邑所得專也欲專祀之者在爾等一念之誠耳吾邑所專祀者
三義也而三義中之所專祀者帝君也因帝君而及三義者帝

啓之心必出於此而後安也爾等亦知帝君之所以不朽者安在乎非以其誠於佐漢興劉乎帝君之言曰日在天之上心在入之中蓋言誠也爾等能仰體帝君之心以此心誠於事親則孝以此心誠於事君則忠以此心誠於交友則信以此心誠於處世則和譬之以一月散於百川以百川攝於一月光影相接在在印可斯得之已如謂帝君神聖我輩虔祀有年徼天之福凡百俱蒙覆庇卽舉念稍或不誠幸爲包荒此矯誣之說非余所樂聞也衆以余言爲然遂泚筆而爲之銘銘曰屹屹平原昭烈所治誰其佐者熊虎之姿歷千百禩神光繞電擊鼓吹笙藻蕓是薦猗與帝君遊遊故都攘除凶災惠我烝徒微火不戒壇

平原縣志

卷之十

藝文上

三

月之吉

指南禪院重塑關帝像移祀東楹記

國朝知縣溧陽黃懷祖

關帝廟祀徧天下而平原之祀帝尤虔當漢末昭烈試守平原今復爲相於此帝與張桓侯實左右之相傳城西桃園村爲結義之所舊有三義廟祀後移南郭像設儼煥如生而春秋閣土

每言帝像以專祀迄今彌盛誠尊之也邑西北十五里指南禪

既爲聖人王文賢所施地康熙四十二年僧元傑募建殿宇中
塑其所謂佛者巍然南面而帝則擐甲執刃以侍立焉蓋縱徒
力欲震耀其教而患世人不果信也因扣帝爲護法伽藍廁之
於役使之列曰爾世所推尊者不過我佛門龍象耳庶足以聳
人之聽睹而顯其教爲尤尊嗚呼其無忌憚亦甚矣夫吾儒之
教獨尊孔子外此所致敬之神雖不乏然無有亦稱爲聖爲夫
子者惟帝則聖與夫子之稱羣尊之幾無異孔子况我

國家之於帝也春秋及仲夏三祭皆以太牢簠簋籩豆一視文廟
釋奠儀而且公爵上封三代五經博士之襲下及嗣孫者一而
再再而三典禮之隆殆將與孔子埒凡所以尊之者如此其至
平原縣志

卷之十 藝文上

三

而梵宮乃敢褻帝以待立於旁無論帝弗居歆人心其安乎哉
分防汎屬吳君俊菴

名與明
寧陽人

矍然倡議改塑坐像移奉於殿東

三楹余思此特權宜計耳然欲撤其佛像而如城南之專祀帝
則勢或未可力有不能幸各居其所毋褻其尊亦庶幾揭虔安
靈之義乎爰出俸以襄厥成而吳君更屬余志其事於石若院
門前楹別有坐像亦護法之意然猶南面也又東楹故有立馬
像今皆始仍其舊云乾隆戊辰夏五記

重修城隍廟碑記

明知縣朱良

人鬼一道知所以事神必知所以事人幽明初無二理也本縣
迤西舊有城隍廟一座正殿三間立龕位塑神像於中後三間

而樂道其善且以爲衆人鼓舞歆動云弘治十八年六月立石
重修城隍廟記
明訓導金臺曹嘉靖
縣所有事皆以知乎令令者百責所叢也若庠序若壇廟若倉
獄若溝洫橋障若城池傳置皆令所當知有不知則有所不治
乎平原古之名郡邇年來水旱相仍流賊殘害庶務皆隳矣正
德壬申陶公來知縣事謁先師孔子城隍尊神睹其廟像圯陋
支右趾陟降城池則高者卑跛深者平坦無禁域賊不攻
至破公深懼焉以爲令之所知莫先於學校所以隆教本也
平原縣志

卷之十

藝文上

三

不泯則泰一野老李宣一市氓至難感化也而今尚知神之當
敬廟之當修一則盡心董工一則捐財樂施是其一念之誠發
於事神之餘而不泯也旣知所以事神則事人之理居家庭而
事之鄉黨而悌遇官長而忠如運諸掌耳夫何難乎因泰之請
平原縣志

池以爲令之所知莫先於學校所以隆教本也

神外衛內於生民之保障神莫大焉是以有土有民者隆其廟
禮厚其典禮既有歲祀之專又舉而合祀隨風雲山川誠以不
若是則不足昭神庥而崇美報也况神之靈元深莫測行乎天
地統乎陰陽其驅祿殄沴玉成萬物蔭苴乎蒼生者詎得而形
容其妙耶於是市材鳩工諏日興作恐力不周及則以城池委
之陰陽訓術齊瑄於學校則委之勤慎義官宋廷侯於是廟也
又推其素秉虔誠孚於人而合於神者八十壽官荆泰各體厥
心以董乃事公於案牘之暇不遑寢食往來調度羣役不勞而
勅以次告成今聖廟門墉相次如式裝繪精嚴舉稱其度城池
高堅深廣未壯金湯門禁濠隄屹成屏翰鄉先生姚公宗瀚已
平原縣志

卷之十 藝文上

三

勅其事於縣階之右於城隍廟像補墜修葺門廊規度煥然一
新又以鼙鼓雖逢鯨音未備斥俸資市鐵千餘斤以鑄以費而
鐘始具荆泰向因上司定派平原站遞過重蒙公差遣上告亦
嘗祈祀神佑果如其願倡邑中善士各捐已貲有差遂立風火
紙錢爐二座於廟楹左右又作碑亭二座於階下東西於是廟
貌崢嶸神威赫艷聞者見者起敬加虔與聖廟城池一皆化腐
爲堅易頹以聳傲者完缺者正缺者補坎者深經始於正德壬
申越明年癸酉落成夫學校修而士得以勤業城池修而民獲
以安堵神宇修而人賴以春秋祈禳消禳降祥皆公不大聲色
求兩載而工畢就厥功茂矣任委修者亦欲圖於永久徵言以

記其事公名成字國器湖南道州巨族領鄉貢擢今任予忝分
教佩其作興者素矣矧公之事神治人與夫修舉百廢之豐功
皆可書也爰質言其歲月顛末俾後來考徵者銘公功於無窮
焉正德十年七月記

重修城隍廟記

國朝知縣高陽李瑑

國家之制祀典惟有益於民能禦大災捍大患則祀之凡在牧
令無不奉是爲兢兢蓋祈其默相所不逮而爲民請命也今

聖天子御極之二十有一年余忝叨銓授筮仕茲土甫下車旱魃
爲災四野如焚謀所以爲民請命者集邑之縉紳士大夫與父
老子弟而諮之僉推本縣城隍之神無微不燭有禱必應請以
平原縣志

卷之十

藝文上

三

旱告余於是大戒於邑齋壇步禱越一二日而神不我應余再
爲閉閣思過引咎自責不移時而甘霖立沛遠近霑足而鄰對
不與焉一時艷而奇之官吏相與頌於庭商賈相與歌於市農
夫相與忭於野僉以是爲余祝余亟止之曰不然今日得與諸
父老優游於霑足之下以遂有秋之望者神歆而降之福也其
可忘耶顧不謀所以妥侑之而轉以是爲余頌也不亦惑乎諸
父老默然以退率其主伯亞旅捐資度材以從事於丹楹刻桷
之觀不數月而輪奐倍加於昔請余爲文以記之余雖簿書鞅
掌不敢以不文辭蓋以沐神之默相欲銘神功於不衰且使邑
之士民因是而有災必禱有禱必應翫蒿拚蠻若或見之當亦

幸余言之不謬也康熙壬戌冬日

重修城隍寢殿碑記

李 璐

天下之人有無所爲而爲善無所爲而不爲不善者此不待教
而然者也有有所爲而爲善有所爲而不爲不善者此聖賢立
教之所使然也夫入廟而生欽人心大抵然矣陸子謂此千古
不磨之心而涓流可至滄海卷石可成泰華豈非以生欽之後
尚有不息之功耶於戲此聖賢立教之所以不容已也我

世祖章皇帝以神道設教尊崇祀典教化風行四十年來海內之

人無知愚賢不肖皆知爲善而不爲不善凜然於青帝之訓圓
草刀石以消以長風俗之美自畿輔而山左其彰明較著者矣

平原縣志

卷之十 藝文上

七

壬戌春余筮仕來平原歎其俗美知有由來迄今五載士大夫
淑身成物井闔田畝之間是則是敝大抵皆生欽一念之所擴
充耳治西有城隍廟歷年久遠寢殿傾頽董君調家世閱閭德
澤實裴入廟生欽不勝橘柚龍蛇之感與余謀所以新之余勤
勤懇懇力爲倡勸士大夫與井闔田畝之衆翕然樂助於今丙
寅冬暮告成余肅然而歎曰此皆生欽於平日而又有不息之
功也太史公曰忠之弊小人以野敬之弊小人以鬼文之弊小
人以僂余以爲敬非以救野文非以救鬼而敬無弊狄胡兩公
毀淫祠爲萬代瞻仰者毀其鬼非毀其敬之弊也敬何弊哉試
觀茲邑忠孝友悌得於則古稱先文章戴彩科第聯翩徵輸無

簡左右照壁各長一丈樹塞一座高八尺長倍其半廟前皆列
柵內外植松楊共二十四株要皆以便吾民之祈禱報賽而已
自始至成未見民之勞而財之傷也豈非人心樂趨神靈實陰
相之如詩所云民政不日者與夫民神之主也神民之毗也神
非民何依民非神何恃神既妥而民亦逾安則余改作之初念
也若云嬰神之福豈余所敢布腹心哉於是援筆爲之記且鐫
諸石使後之瞻禮是廟者亦將有鑒於斯云乾隆元年莫春中

新建劉猛將軍廟記

知縣潯陽黃懷祖

國家

平原縣志

卷之十

藝文上

三

劉聖相承太和朔洽普天率育歲不能災顧猶致力於神爲民防
患雍正二年

諭天下州縣建驅蝗劉猛將軍廟祭以歲臘戊日原邑奉行雖久
迄無專祠余蒞任四載始卜吉於北關創殿三楹又一年乃築
垣關門勦聖丹牒奉神升座修祀事焉神所憑依其在是矣可
無文以紀之乎粵稽捕蝗之令始於唐開元初時中外咸以違
天傷義執不可宰相姚文獻公獨曰除害安農有國家之大事
天田詩秉畀炎火卽其術也力奏行之是歲有司奏捕蝗凡數
萬石民無饑饉天下賴焉蓋其明效大驗如此然詩言秉畀

天田詩秉畀炎火卽其術也力奏行之是歲有司奏捕蝗凡數
萬石民無饑饉天下賴焉蓋其明效大驗如此然詩言秉畀

成之慮行旅無攸數之警豈非爲善不息之功乎神之錫福
無窮如前此者六郡之兵燹千里之年儼行惻怒如惟此最邑
天時人事日樂春臺皆準乎爲善不息之功而已矣余知嗣是
而廟貌孔昭馨香肆好入廟生欽者懿言矩步日進乎滄溟泰
華之功積善餘慶俾熾俾昌則謂我

世祖神道設教之意儼然未散可也是爲記

重修城隍廟記

國朝知縣湯溪張祖阜

邑必有城城必有隍有城有隍卽有神建廟以祀官民胥賴焉
旱澇則禱疾疫則禳捍患禦災禍淫福善惟神至正而公亦惟
神最親且久平原之廟祀舊矣令初瞻謁卽憫司曹頽敗朝房
平原縣志

卷之十 藝文上

三

淺狹大門晦而外塞卑且鐘鼓兩樓自昔未建甚非所以肅瞻
仰而安神靈也銳意謀新顧非一手足可支又恐吾民之力未
紓而遽勞之將駭爲厲已戚戚於中者累年蓋吾之視民亦猶
神之視民不敢先所緩後所急勤若吾百姓爲也幸風雨和若
屢獲有秋民安以康皆神之佑不乘此鼎新豈特違吾初願將
重負神貺矣迺籲告於衆首捐已俸學師僚佐皆繼之邑之神
士耆庶亦無弗踴躍從事擇敏而有謀者董其成大殿三間拜
厦三間左右廊各十二間左右班房二間朝房三間山神土地
廟各一間鐘鼓樓各一座左榜棚三間右亡棚三間左右神廡
各一間大門三間上起戲樓寬長各一丈八尺兩旁角門各一

不敢密縣中牟之異即濟南郡志所載前明諸賢宰如德乎
張君敷之哭蝗鄒平劉君益長山喬君遷岐之祝蝗臨邑邢君
第章邱祝君文冕之捕蝗皆能以人事挽救天災功效響應恐
亦未易幾及顧余視篆之初鄰疆以蠅生告警今夏他邑聞亦
有稍煩災火之界者吾原幸澍雨時降禾黍盈疇得借諸父老
含哺擊壤以歌咏

弄舜之風謂非神實相之曷克致此夫息蝗於既生之後禱祈必
應神功且不可泯况能潛驅默佑絕於未萌其仰體

聖天子德意以福我兆民者神之功不尤偉耶唐以前無專祀之
神今所祀劉猛將軍据怡菴雜錄所載宋景定四年救實故制

平原縣志

卷之十 藝文上

三

置使錡封號而省志以爲文清公宰其詳具余所修縣志中按
又清公金壇人與余同郡接壤意居相近者曠代或易感乎邇
聞之後漢志云蝗者貪苛之所致倘弗兢兢焉以爲

國保民爲念維神正直其能私庇余哉詩曰敬恭明神當不俟遇
災而始懼矣廟前地當孔道善人朱孟文建施茶菴以濟行旅
之渴者是可嘉也故附書乾隆十三年七月日

重修顏魯公祠堂記

見舊志

明太僕少卿臨邑邢侗

竊惟臣忠士誼植萬古之天常歲逝人思永千齡之棠蔭是知
非徇路寢下涕泗以無從躑躅靈旗信神明之有覺音誠可賞
則柯亭之竹無末枯樸苟可彫則嶧山之桐無半死而別人倫

蓋代媵節于霄聲金振玉之標舉電驚雷之望則夫一絲一竹
安足擬其大成可賞可材詎止超於片技蓋振古興蘋風之感
乃方今有蘓潤之羞維顏魯公者少膺家訓紹夏治於之推長
薦甲科拓高門於沂水繡衣持斧露冕行驄人呼御史以爲霖
名冠殿中而獨步出司大郡在我平原適當胡雛犯闕之秋愈
矢神羊觸邪之志內嚴警備外飾文儒軍麾仗李粵之便宜秘
密藉從足之畫諾二十四郡獨厯天語勞存一十七州盡歸先
生盟玉主辱則臣宜效死國危則家不可私漁陽質十歲之孤
靈武拜一丸之蠟用是數撓賊備屢挫逆鋒關隴緩動地之悲
郭李展垂天之勢氣吸四隅溟渤身當萬里長城已復奔詣鳳
平原縣志

卷之十 藝文上

庚

翔學遷樞要孤忠嶽嶽豈窮鳥之依人草昧皇皇若瞽師之得
相詎意發言荆棘視踞淒涼汲黯必置於淮陽賈傅誰堪其痛
哭遞遞罷或懾或疑舌在而百鍊常剛丹存而萬方不化始
之元橫繼以盧姦檢校尚書曰副封之可去出宣方鎮奪李勉
之請留嗟乎齡垂八寸使於四方投虎口者何人探驪珠而無
日蔡州西壁曰死所之在斯汝水南冠甘積薪以如蹈且出其
文妙自諫平生閹奴之詔矯來瑯琊之竟求返盧卿頭血猶懷
報於舌端阿呆靈風計笑迎於地下精忠大節史不絕談而又
加以將聖多能兼身數器空元十部悉已獵其菁華文酒千場
豈未妨其雅讓高文短韻勝地名監瀆意而淡蠶千鍾會指則

抑麻自匹乃若蹄池神授旭素同功行押正書超凡入室致石
回屬之家幹判贖而不厭老夫妙喜石鐫方外推其巧製白蘋
方渚宇內賞其名言在昔一字朱提今則斷珉白璧最然我土
魏乎典刑東方曼倩之奇蹤夏侯泰初之麗作而公學窠巨筆
恣匠精心最屬穹然龍鸞鬱若環而四面宛蘇蕙之迴文屹以
富庭匹韓陵之片語至今陵州敗郭猶傳太守之臺厭次故墟
尚挺開元之柏余堪下馬疇不汎瀾茲有平原令孤竹劉君念
邑故附庸地元四境載新廟貌走伏臘之衣冠別翬翼堂貯旂
常之副在門施枝戟樹列疎槐儻滄海之未田庶神靈之永奠
凡余有位尚慎鑿茲

平原縣志

卷之十

藝文上

三

顏魯公文集序

見舊志

明邑人趙焯

平原告原郡轄也邑侯劉君來令是縣履封懷古遂購魯公文
集重刻之嗚呼柳子曰急病讓夷義之先圖國忘死貞之大而
况支露障瀾崎嶇一節老死而不渝如魯公哉則其精貞義烈
卽片言足遺大呂固不可使先生之手澤泯泯於棠愛之鄉也
公之義績肇自平原鑄鼎唐祚人知唐業之中折復振不亡者
爲郭李之精英有以留之而不知使羯胡鼓笳漁陽長驅河朔
直擣隴蜀智不暇謀勇不暇斷則唐之爲唐豈可知哉唯公以
一旅扼其吭喉使黠虜不敢捨公而西然後郭李得收之兵行
之間則雖謂神堯之天下公以原郡還之誰曰不然然當時之

所以刑循教督其民又可信矣至於今原人之論及君父猶嗜
噴義形於色安知非公風化浸漬者深哉渺乎由之而不知所
從來矣彼平時滋蔓茶漁獵之政而望臨難有仗節砥柱之貞
載籍以還未前聞也則季世之守是已吾乃今然後知公精忠
大義不止一連兵孤城而簡牘政謨皆為正氣威靈之貫注惜
也吾不得炙公於儀模猶幸乃聆嘉言於斷簡則公雖身陷希
烈而義色昌詞今讀之尚凜凜如昨日事固足以廉立萬世之
頑懦然則是編之刻也劉侯重有意乎余也生為公之遺民亦
厠民社之寄嘗思事無巨細靡非臣子之靖獻也焉斯不愧公
於流風而惕乎恐蹉而不前也日夜念之矣會劉侯之屬余序
平原縣志

卷之十 藝文上

序

也遂摭衷書之亦以見願為執鞭云爾

按顏魯公文集宋吳興沈氏採輯遺逸合詩賦銘記凡十五
卷劉原父敞敘之留元剛氏又續為摭輯刻之以傳至明時
多不存錫山安國民泰得傳錄舊本付梓楊文襄一清為之
序特惜其未經較訂訛舛至不可讀劉公思誠令平原重為
校刻故舊志載魯公集序凡三篇惟此篇乃劉公重刻於平
原屬序者曾以版貯縣庫今版雖廢而序當存若劉楊兩序
則與平原無
涉割愛制之

縣尹紇石烈君新政碑

見舊志

元翰林學士濟南總管東平王構

童原劇縣地居南北之衝尹紇石烈君恭寬惠和公貞峻潔而

濟之以敏幹初年謁諸祠首置殿象三皇兩廡享增闢儒宮勗

如狂講按圖為禮器三百時祀無闕方春勸課召鄉子弟告

以孝悌忠信力農有賞荒惰弗饒有罰比歲無歉革公胥之弊
令必以行懲牧戍往來之擾罪不少貸役無定法民疲於轉送
著甲乙之籍貧富乃序次則行視賓館撤其腐壞易以敞麗爲
位三各立匾署使至者如歸役者無誹歲券弗給悉力經畫庖
廩皆有贏羨環境蒔榆柳株萬伍千芻採不及於民修道塗漆
畝澮節宣以時行者無壅整飭郵遞百里之間燦若一律秩將
滿爲縣之事異舉而撫民之惠亦已見乎君乃資材庸工涓吉
日創解百楹理訟之廳燕處之堂參畫之司儲皮之閣周廡重
門靡不合制越大德丙午春二月告成耆老李溫馬居仁賈諒
黃用趙餘慶等紹儒士張集義來齊請記余知紇石烈君政績

平原縣志

卷之十 藝文上

聖

之所自必其監縣之賢必其佐貳之賢必其吏民知所以奉上
而樂趨善一或不然上有所軋下有所扼動牽靜違勢甚鴻毛
雖智如神君殆不能措手監縣難佐貳從吏民則從君且慊不
自滿急其所先緩其所後事雖至難處之以平格之以誠漸以
偕化而不至於戾以故規條亶布一一可觀前之曲周刊珉誦
烈去職三年民思愈深不遠數百里餽贐相望今之平原新驛
有碑又將以設施本末紀次以傳久尹無負於民民亦無負於
尹竊謂天下凡幾郡縣皆得其人如紇石烈君郡縣何患不埋
余亦衰病竊食於齊日惴惴左枝右梧不暇聞鄰有善政忻
媿交劇况與君篤世契之好特書屢書其何辭君名延年字九

嚴憲司問諸省臺檄狎至借昭弗允異日勛庸赫於二縣其
以余言爲徵

便移站赤去思碑

見舊志

元知德州李忽都不花

嘗聞治天下以任賢爲本立政事以便民爲先盡任賢則明國
家之治體識政事之根源便民則撫黎庶之樂安措事物之和
平先儒有言用賢則萬事舉臨政則衆理明者此之謂也至正
癸未奉直大夫兵部員外郎拜公明善奉中書省選委整治天
下站赤以公素抱經濟之才而慨然獨以報國憂民爲念視站
民朝餞夕逐供役繁勞移文省部二次撥領官錢至正元寶交
鈔五萬五千緡接濟諸處站赤公雖當擾攘之中而有高明之

平原縣志

卷之十 藝文上

望

策往回供需繁冗萬端而官無纖芥之失民無秋毫之犯不勞
而辦矣原夫我朝混一區宇輿圖之廣兆民之衆事務之繁故
置站赤以爲朝貢計吏通報邊境軍情或出使以傳王命或入
貢以奉朝廷况兼本站正當衝要北拱京師燕趙等處公務繁
劇南通行省行臺閩廣海南諸道遞運錢帛飛報軍情繁急尤
甚是以叅酌古今之宜立便益常行之道相度平原西北自陵
州至平原驛九十里西南至高唐驛亦九十里途有宛轉之勞
使有崎嶇之歎自陵州直抵高唐通止一百一十五里二站中
間減近六十五里陵州高唐中元有舊站基址地名太平站
屬恩州部較之地

山東斜站禹城改立齊河縣倫鎮亦減省四十餘里兩處站路以遠就近以曲從直使免宛轉之勞馬減奔馳之苦人馬省力公事易辦站路直官民便益又於碑銘上照得站原在太平店改立平原縣大德癸卯前又四十餘年迄今通歷百有餘年矣其間公文申辨者舊趙璧等赴省部陳訴久不獲結噫夫人之常情循於故事憚於改作而公超然出於眾人之表劬不憚勞雖事之至難而處之甚易乃建言移符呈省就領官錢二千五百緡率兩州僚屬親詣公同踏視置買館舍圍廐庖廩牧地督責工匠人夫不旬日而事落成惟公政出於心物出於官故官民無毫忽之擾些須之損而通受其賜公之政蹟豈止於是

平原縣志

卷之十

藝文上

聖

思去而不忘也

舊令定字劉公祠堂碑

見舊續志

明邑人宋仕

山海劉公去令平原可數紀祀於警宗尸祝於鄉之社有甚畏
壘之於庚桑楚至是縉紳大夫逢掖孝秀隴眉駘背之耆老以
及田間紅女婦媪聚族謀顛祀公有堂有房有室有寢修廣下
上之筵實枚曼碩有制有度有尋有尺祠甫創而余奉少司寇
命以南則首斥費以倡經始之義祠甫就而予以嵩呼歸落其
成士民過而徵金石之辭予惟不文嘗一按吳再按蜀三撫畿
輔與聞生民疾苦時復流覽史傳未嘗不歎吏治之難也不難
於爲能更難於爲良吏不難炫一時之耳目難於感異日之精

平原縣志

卷之十 藝文上

盟

神不難赫聲濯靈之日使人凜凜若對神君難於木落水涸之
時使人依依徘徊思戀之如失慈父母夫平原固非無事國也
其則壤不當天下百之一其肩摩轂擊不當青齊郡縣十之一
而鹿角之關天設重險歲星之里地毓名賢漢之史唐之顏國
有記載家有譜系班班可考也假令劉公艷幹辦薄悶淳飾厨
傳好鉤距行之數年民如在湯火不然沾沾獵可喜之虛聲涓
涓附易窮之小美不一再傳而化爲飄風逝如流水矣予每從
民間問故令有不能舉其姓名傳其大凡也者求其久而見思
如何武後世子孫奉嘗我不如桐鄉如朱邑嗇夫此豈可以聲
音笑貌爲哉按公生平行事起學官遣小吏受業畧如蜀文翁

條教頒行以勸爲善郵亭樹畜種一樹榆百本五十本龕韭菜
所大木可材某所豬子可祭畧如頰川黃霸假貸貧民買牛犢
務農桑畧如渤海龔遂出入阡陌視郡中水道開溝廣溉畧如
南陽召信臣而廩廩德讓不凌其上不束濕下不收接天下名
人陽浮慕之不善視朝貴以境外之束脩徼侍取一切不特平
原知之天下賢者皆知之而當事不之知也第再試少府三徑
歸來出無一丈之車蓋入無百斤之黃金拙宦之效固如斯乎
天之旌明德也不於其身必於其嗣公二子一登南宮一舉京
兆負山襟海世挺偉人其波及東土者公未爲德而存積德之
始基也曰者青齊薦饑道殣澤量天子出帑金特命杜下惠文

平原縣志

卷之十 藝文上

署

綏凋瘵誠得公數輩洵可小康不者公之神在帝左右爲民請
命起溝中疋瘡予之含哺公寧無意乎予旣勒公祠堂之石并
系楚詞一章授工歌之以樂公之神焉公何歸兮不返望繹慕
兮日晚思我公兮無言雲車駕兮緩緩靈忽恍兮來思指平原
兮下之哀我人之無告叩九閭以陳辭城郭兮空山日未暮兮
無人行公顧我兮不樂活我人兮心如醒桂酒兮芳馨雜椒蘭
兮杜蘅公目成兮涕如雨哀我人斯兮執我稷黍以穀我士女
公歸來兮東方猶可與處作新宮兮故土坎坎兮擊鼓蹲蹲兮
醉言舞公歸來兮爰得我所

天啓六年余以承乏來令平原旣受任則卜日奠謁先師事竣
出見有巍然峙於巒右者陟其庭肅焉則庠夫子徐公之祠堂
也乃登進諸生而詢之曰自我於皇昭代誕膺天祚來授經平
原庠者祠有幾僉曰無之曰無則徐公何以獨祠焉曰諸生之
受鑄我夫子也錙髓莫忘焉積悃歷禩乃得請而祠之曰徐公
之鑄爾多士也何曰平原土瘠民僻士競於辭而孱於理研殫
自好者以生計奪之有避憚而不能自白焉則逡巡轉適於他
岐閩洛之殺烝望其膚而不瘳其截漆園柱下之踏步踵其武
而顛躓於其塗者喁相和也哉徐夫子乃一滌其陋而濯之水
壺沐之清風爲築誠正之圃以禮義培焉忠信溉焉士之耕耨
平原縣志

卷之十

藝文上

異

其中者襍蓑而舞且咏爲仆者植之欵著正之生意索爾者滋
之詰訥者代之舌津迷者授之目否塞者豁之思羽翼經術釐
正人心扶士風而振頹習而原之士乃始漫漫焉口有思也如
苗之茁而芽而秀而碩且繁焉而我夫子竟未得一習其實也
則願以其食報焉爾余聞之乃始色然驚盱衡而歎也曰噫嘻
信哉爾夫子大有造於原也吾乃有以感余心已風湮道敝函
丈之側鞠爲茂草桑榆景促則憂駕以爭途昔藉盤冷則斟滴
以丐潤數尺之表豎不端而暇間晷影佔畢之餽飭且棄而疇
計身心宜爾原士之有槩於夫子也於是爲之步其庭瞻其甍
緝其未備而加飾焉壁立者堊之穹窿者綠之櫺疏者丹之立

之石而記其年月焉。始基之者原之庠士大夫代之請而創者。司教平原牂牁郡之孔元德而終之克有成者余實與有力焉。則後之來嗣茲庠者庶其或有風乎時丙寅仲冬望日。

重建淳熙寺大殿記

金進士高津王鼎

佛之爲道以無相爲宗而開化衆生則必資像法譬如取火於日緣珠爻出金於沙資鉛炭故俾衆生了然於聞見之間而知所信向非塔廟不爲功東坡云齋戒持律講誦詩書而重飾塔廟此佛之所以教人者也顧或者以爲持律不如無心講誦不如無言飾塔廟不如無爲使其人無心無言無爲則飽食嬉遊而已毋乃欺佛乎哉平原縣西方淳熙寺于佛大殿其來久矣

平原縣志

卷之十

藝文上

聖

值後周時大殿佛教像宇盡隳至唐以來邑人每遇齋日猶羣集設供於故臺之上洎大中時有邑宰平賓回與輔尉崔瓊昂臺剏堂塑阿育王像於其中五代時已經河決湮地至宋乾德初興爲千佛殿祥符間再經營改後宣和乙巳寇盜蠶起寺被焚熟殿亦罹災餘址巍然爲瓦礫之堆其基故屬前殿院聖朝天德間本寺觀音院有比丘僧曰智深俗姓王氏恩州歷亭人也世隱於農幼習儒業忽悟火宅脫俗皈真律行精嚴叢林敬仰一日指故基歎曰斯殿廢將三紀過其下者憫末法之衰請緇流之惰我旣爲佛弟子坐視弗顧寧無愧於吾教乎乃懇請於前殿院主僧廣後欲復修建廣俊憐其志篤欣然與之於

是命工師求大木歲月之間雲委山積無何正隆失御括天下之良材以修南京被籍之後中規繩者無餘焉繼遇南征誅求百出民不聊生遂寢其事以俟寧謐既而皇天悔禍真主應期王化復行民安物阜大定六年智深喜緣可興也乃先募里中大富長者閻某首施錢三十萬自此遐邇響應財施益多智深又出家資懇告於五戒蘭端齊善淨劉造李惠全等曰此中新脫兵火兼地薄川平無修梁巨棟與惠全等同往太行購材如何衆皆悅隨至臺山伐木歲餘不意山雨暴至蕩無子遺尋卽還歸其志愈堅無毫髮退轉色八年再訪山求材歷巖崖之歛傾度澗谷之縈紆凡中度者皆取焉旣回苦雨浹旬溪澗漲溢

平原縣志

卷之十 藝文上

哭

幾於漂溺因失其路轉於山西風餐雨宿面垢足繭疲茶不可勝言復值羣虎據路無少怖畏乃默祝於佛曰若弟子稍涉欺給俾死於虎口無恨儻今成就勝事乞諸佛證明卽令路開語畢虎皆四走往返崎嶇危死者數矣五戒臧迪張善聚檀越馮某趙善端李友杜革觀智深堅懇如是艱苦又如各出已財相率助力與前五戒蘭端等經之營之夙夜忘倦興役之日千杵雷動士庶雲集富者施財貧者効力糞米麥餽繒絳者無虛日焉至十二年厥功垂就智深病革乃呼其子王浩及五戒蘭端告以寶殿已成而前廡未就土所謂撲簷者爾等其成吾志二人泣諾越歲餘落成其殿廡規制闕徹傑麗甲於諸刹雖善

言者亦不能形容觀者如在靈山鷲嶺親睹妙相人人向道皆
起善心今年夏友人盧若冲叩門丐僕文以紀諸石蓋距智深
西去時又十二年矣僕嘉智深任事堅苦終始弗渝財施不足
則益家資以作於前其子浩又奉遺命以成之於後畧無恡色
非夙植善根與佛有緣何以若此乎謹歡喜稽首而讚偈曰平
原古名邑昔有千佛殿宋季遭兵火化爲灰燼場在苒逮三紀
觀者興悲歎時有僧智深能闡西方教敬發弘誓願重構巍巍
堂邑有大長者首施三十萬由此衆善人五戒及檀越悉發菩
提心成此大緣事利益被一方功德巨思議龍天諸聖衆應生
大歡喜子終其父事獲福末無邊願迴無邊福普及含生類

平原縣志

卷之十 藝文上

完

重修淳熙寺記

明武選郎中濟南鄒襲

行平原西門外百步許淳熙寺在焉中有一塔隆然特起霄漢
之表相傳爲李唐時所建由唐迄宋屢興屢廢金大定中僧人
智深重建千佛寶殿尋復燬於火四顧蕩然僧徒亦多散去我
朝聖聖相承尊禮百神兼及象教自京師以及天下郡邑寺廟
祠觀悉聽修葺於是僧衆稍稍復集大順甲申主僧淨剛慨然
以興復爲己任經營籌度規制粗備不幸以疾化去其功僅三
之一上首弟子妙琮乃以其師之心爲心時時顧瞻遺構佇立
長吁久之罄其所積且丐於人鄉者任甫全善士也首捐以倡
一時富商大家咸傾篋樂助遂爲正殿五間高三丈深二丈五

大廣倍之次日室曰門曰廡曰室以至庫庖庖漏几案鐘鼓之屬莫不畢具像設既嚴綵繪復麗所費白金以兩計者二千有奇凡五閱寒暑而後成儼然爲一巨刹與徒衆晨香夕燈上祝天子億萬年壽下俾鄉人有所皈依人皆稱其師弟之賢能啓於前而成於後厥功並盛懼歲月寢遠人莫知其顛末介余弟邑諸生表請記於石余素不欲與佛者遊自謫宦以來掩關面壁始悟向者之褊蓋人類雖有儒釋之異而良心真切隨處發見自有不能已者其性善本同也昔淵明入遠公社昌黎與大顛遊坡公與參寥子爲方外友必有所取爾矣余亦思與若人者劇談開懷出世之語以破孤寂恨不可得表嘗假館於其寺

平原縣志

卷之十

藝文上

五

歸爲余言妙琮精釋典兼通儒書趺坐一龕纖塵不染蓋飯衲衣充然有所自得今見其人形臞而神清進退拜起唯謹言若不能出諸口良久言及其師泫然涕下曰倘賜一言俾爲師建塔以圖不朽則某志願足矣余聞其言益有感也昔者孔子沒門人廬於墓者三年將歸與子貢相哭失聲子貢復築室獨居三年蓋師之恩與君父等如此其不忍忘也後世此道不明當其師生存謬相推敬一旦利害相及名位相軋反眼若不相識僅不關弓下石幸矣其能死生不二者幾人哉今妙琮之於其師事之三十餘年未嘗一日違左右及師旣沒又能成其未竟之業不以死生而有改正其本性之真切無所爲而爲之使從

事吾儒之道由此充之其於君臣父子之間忠孝大節必有可
觀夫豈止於是已耶妙珠其墨名儒行僧中之豪傑乎用敢竊
比諸先輩嘉與其人而爲之記是亦納約自牖意也弘治十一
年夏四月既望

重修碧霞行宮記

見舊續志

明邑人宋仕

明邑人宋仕

碧霞者世所崇奉於岱嶽絕頂者也其神曰天仙玉女碧霞元
君四方來謁者捐施金繪珠玉殺馬之類每歲設官筭權以助
公帑神之顯靈異於天下其來尚矣世傳爲岱嶽女非也人心
崇尚習舛承訛非特愚夫愚婦莫知卽博雅君子亦鮮有能究
其實者舊聞嶽頂有玉女池池側故有玉女冢說者不一及觀
平原縣志

卷之十 藝文上

五十一

李諤記瑤池則謂黃帝建岱觀嘗遣女七人雲冠羽衣修奉香
人以迓西崑崙真人是知玉女者必黃帝所遣七女中之修而
得仙者後世緣之祀於山而其靈嚮於應行官別廟在在有之
至吾邑爲西北孔道四方之修廟祀者勢必經東郭舊有祠宇
年久頽圯而遠人之至者號佛頂禮歲歲不絕弗稱也然莫有
能任其事者邑人劉叟九韶素有義聲慨然以鼎新爲己責命
道衆募緣身董出入庀工鳩材務爲堅久計於是吾邑士大夫
及閭里過往義士耆宿咸施金錢米物以數百兩計劉叟則又
出貲助工以求底績廟舊三楹改拓爲五中奉元君旁列從祀
瑤璃甄斃丹腹青聖藻縉滌飾金碧交輝其高廣深邃規制增

舊於赫穆清洋洋浹漠遠近衆庶拜瞻之頃靈風颯然智者敦
其誠愚者啓其敬忠者堅且志狡者阻其謀善心生欲心窒吁
休矣哉神之惠乎殿工肇於萬歷壬辰四月十八日成於甲午
五月十八日其殿基廊廡之類尚以費缺有待是役也綱維其
事者不一其人咸得列於碑陰云記成系以詩曰東郭之陽巍
一宮兮金碧絢爛秀氣鍾兮額以碧霞古所封兮雲冠霧裳廟
貌怪兮小大執事靡弗共兮歲修禱賽祈年豐兮五嶽效靈茲
其東兮刻石紀事垂無窮兮

重建北極廟記

明邑人李獻

吾邑拱極門外六十步許有地一隅溥長而沃美東近古隄西
平原縣志

五

臨壇舍南面城壑北負高岡相傳爲北極真武廟遺址不知建
於何時官僚士庶祈禱輒應自兵革之餘四顧荆萊而已成化
乙巳耆老趙清任甫全趙榮孫恒一日過而相謂曰此地本北
極大帝廟也威靈赫奕萬世尊崇我太祖高皇帝龍飛淮甸混
一區宇惟帝默相幽翼其功尤最蓋循前時遺址翦除其荆棘
蒿萊重建廟貌以伸敬仰蒙福佑乎於是徧咨之邑士大夫善
士王敬慨然施地八畝以廣廟制道人路瑾高甫賓協心募緣
於外住持學玩張學贊相於內一時富商大家罔不傾篋以助
越明年丙午春二月營度攸始土木方興遂於位處得一胛面
蓋古廟額也由是人心愈奮人力愈協閱三寒暑而是廟成焉

止殿三間高三丈深二丈左右各建廡五間中門三間大門神
是罔不翬飛鳥革閑如奕如殿中塑神像及從衛兩廊塑真人
帥屬門塑青龍白虎朱雀元武之神氣象儼赫揭衷妥靈福善
禍淫感應不爽余鄉舉以來嘗假此以授徒道人魏振丐人立
石以垂不朽請余爲記余辭不獲已乃應之曰莫爲之前雖美
弗彰莫爲之後雖盛弗傳諸耆老能重修廟宇可謂能繼前人
於已往啓後人於將來者矣余素源流於儒無心於道者但道
初未嘗不善後之攻乎道者乃不善耳魏振道名儒行亦可與
遊者故述廟制之大畧以畀之時弘治甲子初冬距廟成時十
有七年矣

平原縣志

卷之十

藝文上

三

重修興旺寺記

明教諭河間張澄

寺以興旺名取吉也必勒記示不忘也其寺去縣治東北十五
里有奇勢峻氣厚林木蒼鬱有河曰鴻溝濱其東珍禽異獸間
出焉寺之建寺之名肇於前代無可考我太祖龍飛時崇儒重
道亦不外視釋教以茲寺爲古刹因不毀自宣德迄成化住持
者率不得人正殿門廊上兩旁風無所蓋障尊其教者欲重修
之久矣顧無人爲倡有散僧行容謹修本教類者推舉爲寺主
旣任其責類者咸服遂鼓之募緣重修不匝月土木甃石如山
積各色匠聞風自至不日而美輪美奐神有所依尊其教者生
大歡喜蓋出行容素行動人所以成功甚易落成後環境民物

安阜亦神有以默相之也寺名興聖不有驗於斯乎計所修正殿五間東西廊各如之山門三間其徒惠深修本教如其師欲闡其師之善請賢士王相徵余記之余於記乎不能且儒釋冰炭孰思之樂道人之善亦君子事也何避嫌之有爰書此以塞其請弘治庚申立石

重修三元宮記

國朝邑人姚一經

夫余家里許有三元宮一所距郝家屯僅數武里人奉其祀甚虔其規模不甚宏敞而結構巖密村中父老每方農之暇不約而集以爲談今古話桑麻之區從來名山深谷則有洞天福地通都大邑則有古刹浮圖若其在一鄉也亦恒以一廟之成毀卜一方之盛衰而況爲神靈之所安宅又詎可坐視其傾圮乎哉茲宮建於故明年月無考近者癸未之歲大水爲災城垣官署以及廬舍田疇漂沒者十之六七若琳宮梵宇之蕩爲邱墟鞠爲茂草者不知凡幾矣故三元宮亦若爲劫數所厄而法像莊嚴竟露處於光天化日之下余數往過之不勝低回憑弔以明神之赫赫而亦困於雨師如是耶幸

平原縣志

卷之十 藝文上

五

聖天子屢蠲屢賑十年之內民生得以甦息而戶有寧宇諸寺觀已廢之址亦往往有更新者三元宮爲郝家屯之香火里人共發善念各解囊金擇公正之士委以鳩工庀材曾不數月而廟貌煥然美觀何莫非人之力也哉然余將以歸之神蓋神以三

宮名實也者言其有所司也又職守之義也以天地分陰陽而各事司其事其關於國計民生者豈小小耶曾以專司天地水之神乃能庇萬物之命而顧不能自此其土木之軀也耶雖然神之靈憑於人者也吾邑之蕩爲邱墟鞠爲茂草者猶不乏也則此里之人其有功於三官之神者又可泯乎哉是宜勒諸貞珉以垂不朽康熙五十二年月日記

經幕園記

明禮部尚書京山李維楨

平原宋公爲御史申丞甫艾而遽謝歸越二十五年中外推轂章數上起家陪京少司寇公之歸也爲園邑負郭命之繹幕蓋平原在漢爲繹幕云一日顧余而言曰吾雖守官意未嘗不

平原縣志

卷之十 藝文上

五

往園園四履與其亭池之屬於冊以當臥遊終不令吾園有草堂移文耳按圖園門東嚮循逕而入其北則歲寒亭柏爲之枝條扶疎輪囷盤紆不設簾櫳帷幃而綠陰長合黛色可餐君子有心如是其北則聞籟亭四虛受風風作而園衆竅承之于喁調牙吹萬不同自取自巳物論可齊俗耳夫何砭焉又北則白雲樓繚以周垣陟而望遠齊之長白華不注魯之鳧釋岱宗汶泗沂濟黃河滄海蓬萊金銀宮闕若遠若近若有若無直吞十二東秦於胷臆間矣稍西而北則問月亭蓮池環之佳夕待月月得水盪爲金波凝爲水壺是則清澈鬚眉在鑑五內若滌膏美蓉蘭蕙時芳潤襲人不殊天香桂子假於異物託於同體

方且偶結鄰御織阿彼影娥夜燭笑足羨哉又北則小隱堂春
藤軒爽塲都雅貯書連屏展閱諷誦千古且莫客至凭髯几負
隱囊挹熏鑪具茗椀披襟揮塵而談無非名理投壺對奕彈琴
命酒或策藜杖而步或掃石榻而眠或聚落英而坐或聽啼鳥
而歌無非韻事池前樹塞門其南復有蓮池池畔釣磯箕踞假
息綸餌不施經傳范蠡意類王弘覺游魚煦沫與人相忘卽鷗
鷺馴狎不驚杖履問月之西則亦蘭亭藤蘿蒙茸纏夏無暑下
有曲水引而傳觴四時燕賞匪直春禊也度亭而北則錦雲
薔薇爲之駢羅布濩若垂瓔珞若綴流蘇若衆香林若四寶
濟陰香草五色嵩室種樹三花無以踰此又北則白衣菴大
平原縣志

卷之十 藝文上

五

士其中蒲團跣趺收視返聽離形去智冥契禪旨信芥子之納
須彌何疑方丈室乎蘭亭南則攬輝臺上多松柏倚樹而吟聲
成鸞鳳如蘇門之嘯書雲物察氛祥如大庭氏之庫焉出園歷
城西則公所明農處顏其軒曰不如取尼父對樊遲語也而園
之觀止矣古園稱巨麗莫如金谷平泉石以牧守劫遽使南客
致富不貴李以宰相權方輦四方珍異窮奢極欲其穢已甚宋
公官兩朝位御史中丞而後有此園無彫幾金碧之飾無花木
怪石之玩累塊積蘇以爲管宇汲井積潦以爲沼沚風雨以爲
掃除烟霞以爲丹青林樾以爲藩衛日與褐父牧兒樵叟以爲
親暱雞鳴犬吠僉言燕語以爲鼓吹果麻稻粱土斯恒產耕稼

音等... 無所妬守之不為沉溺係戀別之不為厭薄故常以之獨樂
以之與人與衆以之付造化還太虛無適不可在昔達人逍遙
之墟苟簡之田不貸之圃曠垠之野無何有之鄉殆此類夫嘗
考齊往事有辭三公爲人灌園者儒家比之於蚓黃泉槁壤塊
然一物有登牛山北臨國城而涕泣不長守者其臣竊笑之謂
之不仁惟曲轅之櫟社以無所可用爲大用而見夢於匠石匠
石寤而語弟子彼亦直寄焉爲不知已者詬厲也其所保與衆
異而以義譽之不亦遠乎公之有園園之有圖也皆寄也公聞
而輒然笑曰吾寢無夢久矣子之說猶匠石之說夢也屬園可
平原縣志

卷之十 藝文上

七

釋幕園賦

明邑人高知止公問

吾與美哉釋幕之區山川環互靈鍾一隅爰有哲人是度是詠
寧爲別墅宏模大觀經營堂構式觀而寬名亭分置以盤以桓
招流帶碧堤柳環青巖石漸舊花竹芳馨堞邱隍壑冠嶺繁汀
舞鶴遊麋霞飛波濺芙蓉試風天桃輝現北牖涼呈西山爽薦
春漪悅榮夏炎却熱深秋紅葉窮冬白雪千態萬狀不可名說
豈則志存元豹義取小隱四簷八窓碧甍朱櫺微涼自生輕颺
芝坊亭則太白問月羲之山陰錦雲黃采歲寒盟心鍾靈孕秀
芳馨沉承榜則碧樹參差白雲滃鬱近無所希遠有所寄冲然

愴然臥雲自謂軒則不如標名老農是考南飲西鳴

稼穡維珍代食維好樹則丁松陶柳柳棘公槐碧梧蒼柏榆櫻
椿梅鬱鬱森森環圃周臺花則朝酣國色夕餐落英玉卮芍藥
碧荷蘭荷千葩炫美羣植爭榮果則紅杏碧桃白棗紫杞珍菓
甘葡張梨房李剝裹摘櫻清芬溢齒蔬則園畦井列架擣雲連
山藥駢植池藕聯綿瓜瓞茄豆刈時烹鮮迨夫翔陽弄晴鬪雲
呈妍芒穎注射晴不停甍爲武陵境爲壺公天爾乃彭澤高枕
東山逸駕賁泉石以金緋騰雲霞於杯舉應門鮮通懸榻希下
樂彼亭臺玩此流峙爰闢厥聽爰廓厥視詩匠唐工文軌漢旨
舒性真之自如值涼暄之天劑葛巾布袍寬褐短袂吟眺林邱
平原縣志

卷之十 藝文上

五

超脫樊繫亦有生平故舊情孚意聯投以玉案報以瓊篇有旨
在觴有佳在邊改席卜夜被幄松幔釣冰烹伏清吹妙彈遏雲
停空呼斗插漢中則佻若高陽豪若濁張超若柴桑隱若籍康
似長林之麋鹿如闊漢之鳳皇時或登芸閣穿蘿幕熹微小颺
黯湛徐度翠色交流清光頻注蘭金協契山水齊徹觸耳無喧
感日無違磊磊塊塊不醉無歸又或枕怪石裊文苔燭寒蟾軒
軒冕烟霞辟荔殆不知黃帝之華胥而世塵之爲累亂曰威鳳
匿彩白駒咏風樵江漁籠市隱巖通人生有志各適所逢人
有言志子猶龍經幕經幕記東園

余邑僻在東北隅睥睨不逮三里無河山之勝無奇花異木之產俗又纖嗇莫肯一問園圃惟前明神廟時官保宋公有繹慕園李益軒嘗記之其後則士味園而已士味園者張明府文若先生之園也出東郭門外循隍而東數武折而東一門又折而南復爲門乎望皆蔬畦麥隴旁有老樹百株參雲蔽日不見所謂園者循畦而南幾半里則爲蒲萄架旁有井冽而甘可供茗戰架底堪布三席夏不穿日環植垂柳宜飲宜棋迤而東則爲蓮亭宜侍御

重光

題曰茂叔清風四旁亦皆蒲萄環之蒲萄之外

藩以枸杞前爲池池不甚廣而芙蕖特盛中畜朱魚百頭出沒

平原縣志

卷之十

藝文上

五

葑藻間爛若纈錦傲不畏人又南有石几左右垂柳委地醉而坐其上酒輒醒平泉之畜不是過也舉目慈憐徑窅而折折而上橫出虬枝常習巾幘俯聽清流瀟瀟行溪溜中間之卽蒲萄旁之甘泉桔槔以灌者出亭而北有門翼然勝曰士味園旁有澗曰萬木酣紅墮千筠濕翠濃汝邢太僕子愿筆門內編竹爲弄野藤荒蘚周匝布獲人行青翠中如入張公善權諸洞不知其在平壤也出弄數武一石亭立峭削高數尺錦川佳品過石卽踰糜館矣館三楹軒豁爽塹可布十席時丁香薔薇諸花正開安榴吐艷雕繡滿眼不颺而蘂壁上題味甚夥吾獨愛黃慎軒草書一聯曰石扉藤蔓迷樵路流水桃花引客來筆陣飛越

軼唐入晉有龍跳天門之致過喻屢爲晏娛齋齋後修竹千挺
由東偏門而出則長風閣五楹縹緲雲霄躡級而登可望數里
南則及於張仙橋世傳留侯碎穀於此東則及於清霄古刹近
則開道書院闔萬家西則樓櫓雉堞近在咫尺文昌閣插天
而立與長風閣相埒一邑勝概盡收於眉睫間矣下閣而北趨
爲宣明精舍明府讀書處也左圖右史金石古文充牣其中旁
有耳室一貯美酒具茶竈兼畜鮭脯瓜菜舍內一榻兩几讀而
倦卽呼酒數行醉卽假息明府八十老矣不乘輿不支杖每日
曳履至園中蒔花灌竹讀書賦詩樂此忘疲歲癸丑四月明府
邀游其園同余爲客者高廣文懷祖張叅軍貞甫趙明府仲美

平原縣志

卷之十

藝文上

卒

先布席於喻廩館旣而移坐蒲萄下蓋廣文將之任少皞之墟
明府祖之余與叅軍賦詩贈焉飲酒樂甚已而日遠崦嵫仲美
不飲懷祖等皆醉余浮數大白而別

董氏

御書樓記

平原董老夫子以左都御史奉

命督高堰隄工卒於工次訃聞夢麟方官自京師爲位遙哭越二
年請告歸乃得停廢哭奠於其齋

賜筮仰見臺門高懸

御書眷念舊勞四大字去冬十月

皇上駕次平原幸其卽園故第所

聖德之高深下愧師門之衣鉢拜瞻捧玩震悚滋增惟思斃才方
優強素邀

簡在將來馳驅奔奏服勞

家以自盡其職業而卽以代吾夫子効銜結之報者固世篤忠

貞之義亦當無忝吾夫子生時真孝子之褒也爰拜手而爲之

記

平原縣修志徵啓

粵白職方有掌載在周官地里分編臚於漢史幅員遞闢一統

固勅全書民社攸關十室亦需專志故叔無爲有功在開先而

踵事增新責成繼起維平原星分危月爽鳩氏之神區國仿爾

平原縣志

侯趙公子之食采鴻溝馬頰東抱西縈繹幕郟城昔分今合問

并疆之繡錯奚翅一同攬形勝以珠駢嘗傳八景桃園烘日漢

昭烈義氣猶存雉堞連雲顏魯公忠魂若接每神交乎曠代輒

指屈夫偉入劉氏弟兄顯純修而競爽趙家父子騰駿譽以同

升牆東高洗耳之風子雲同調金背表良肱之鑒季輔分茅神

以知來公明深通易蘊敏而好學孝標雅號書淫孝義比肩兼

多烈女甲科接踵嘗出名卿溯平邑之得名大約戰國春秋而

上乃志書之修輯尚在前明萬歷之中自建置以訖藝文凡兩

卷一十三則越庚寅以至今歲已一百五十七年雖人傑地靈

流風未艾而星移物換餘澤將涸懷祖識類管天學懃牖日一

官承之率多執筆簿書三載餘閒竊亦留心志乘睹陳編之漫漶蠹蝕滋深對脫簡以低回投餽匪易然修廢舉墜敢云有志未遑則考獻徵文雅願自今伊始豈真俗吏無與文人况當

皇治光天禮明樂備

皇仁匝地蠲賦寬徭邑際通衢常泣採風冠蓋境鄰畿輔直同近水樓臺可無紀述謳謠流傳盛美顧乃因仍簡陋玩愒歲時乎爰是敬請於觀本蘭臺庶論冠蓋

各憲之勗周咨乎同寅之好薦紳縉掖旣比志而合謀旅客鄉耆亦旁收而博採或稗官野史故實堪稽或文集詩篇表章有託或張華博物攜在行囊或崔豹遺書出諸秘枕所聞所見更

平原縣志

卷之十 藝文上

奎

期示以所傳其事其文要在合乎其義則續高長垣之餘緒端藉此際蒐羅步劉孤竹之後塵兼補從前闕畧參同核異將開局以編摩取精用宏佇鳩工而剞劂今日邀光麟管聊裨學製於分毫他年購本蘭臺用備取裁於萬一

本縣臺官無所不備諸書皆備其內以備國史之採擇也
二面對臨履實論呂烈履濟常誌神風辰蓋浪濤滌而直向
守天賦而樂備

未及頃者燻燻文聯限自今時故豈復有與與文入

既而四載彩陸凱階以月同好結而足然分

官居之率多執筆簿書三載餘閒竊亦留心志乘睹陳編之漫漶蠹蝕滋深對脫簡以低回投餽匪易然修廢舉墜敢云有志未遑則考獻徵文雅願自今伊始豈真俗吏無與文人况當

詩歌

古者列國之詩採之輶軒陳之太史王者以觀風俗徵治理焉其後文人用以揚挖古今流連景物雖體格屢降然緣事而發亦各言其志也舊志詩篇甚少續志所載又偏多八景倡和之詩不盡可傳然於今亦漫滅過半矣搜羅有志徵購殊艱挂漏之督能無罪我

答兄平原二首

晉大將軍司馬吳郡陸雲

悠悠塗可極別促怨會長銜思戀行邁興言在臨觴南津有絕濟北渚無河梁神往同逝感形留悲參商軌若殊迹牽牛非

平原縣志

卷之十 藝文下

服箱

行矣怨路長愁焉傷別促指途悲有餘臨觴歡不足我若西流水子如東峙嶽慷慨逝言感徘徊居情育安行攜手俱契闊戒

送顏平原

天寶十二年春有詔補尚書十數公為郡守上親賦詩宴羣公於蓬萊前殿仍賜以綉帛寵餞

加等參美顏公是行為寵別章句

唐嘉州刺史南陽岑參

時官舍人

天子念黎庶詔書換諸侯仙郎授剖符華省輟分憂置酒會前

殿賜錢若山邱天章降三光聖澤該九州吾兄鎮河朔拜命宣

臯猷駟馬辭國門一星東北流夏雲照銀印暑雨隨行勦赤筆

仍在篋櫛香惹衣裘此地鄰東漢孤城弔滄洲海風掣金戟

兒呼鳴騶郊原北連燕剽劫風水休魚鹽溢里巷桑柘盈田疇
為郡豈淹旬政成應未秣易從去猛虎化人似馴鷗蒼生應望

君黃霸寧久留以上舊志闕

過平原祥興己卯九月十八日有碑

宋丞相廬陵文天祥

平原太守顏真卿長安天子不知名一朝漁陽動鼙鼓大河以
北無堅城君家兄弟奮戈起一十七郡連夏盟賊聞失色分道
逐不敢長驅入咸京明皇父子得西狩由是靈武起義兵唐家
再造李郭力賊臣牽制公威靈哀哉常山慘鉤舌公歸朝廷氣
不折崎嶇坎坷不得去出入四朝老忠節當年幸脫安祿山白
首竟陷李希烈希烈安能遠殺公宰相盧杞欺日月亂臣賊子
平原縣志 卷之十 藝文 二

寄平原簿孫仲衍

明義寧令番禺李德時官濟南經歷

南園虛夜月風景罷登臨輦洛成陳迹青齊入苦吟升沉凋壯
節匡濟負初心薄宦容身得寧辭雪滿簪以下俱新增

平原君 戶部侍郎長洲高啓

朝歌長夜館娃春總為妖姬戮諫臣何事邯鄲貴公子能因璧
者殺佳人

和王彥平賞牡丹韻二首 左都御史故城馬中錫

主人春酒挹天漿鹿韭新開鬪萬繼王好臨風拚一醉不知花
外又斜陽

牡丹庭館爛晴霞載酒人人入魏家自笑林逋窮相眼一生惟
解看梅花

按公嘗與王公同官直彈威職亦相類詩含
諷刺雖王公原唱不可見殆必皆有所指也

平原道中答于鱗送別韻 解元長史歷城許邦才

楊花滿路傍人飛正是傷離長淚揮三日計程三百里夜來魂
夢尚依依

郵亭夢覺正三更窻上花陰轉月明徙倚曉鐘傳遠寺更無人
見苦離情

送王理卿歸平原

理卿名
無考

四溟山人臨清謝榛

春來三日君即歸長安陌上車塵飛滄洲有約自知晚白鴈多
情相見稀千里還應嘆萍梗一樽誰更采芳菲平原舊侶論心

平原縣志

卷之十 藝文下

三

處肯向天邊望少微

和子與過訪平原道中值雪二首時按察楚中

按子與為
長興徐布

政中行字原
唱惜未得見

河南按察使歷城李攀龍

九河風色報寒帷道入平原雨雪遲天欲並傳梁苑賦君今試
和郢中詞憑陵尺素光猶動縹緲扁舟興可知况值如澠春酒
熟好來投轄未須疑

平原日映北風斜飛雪偏隨刺史車明月更投公子邑金門何
處侍臣家綈袍忽自生春色彩翰紛然擁落花爲報袁安高臥
起齊宮上客有田巴

平原道中見牧豕者

湖廣副使江陰尹嘉賓

過平原

明巡鹽御史桂陽范永鑾

平原津畔臨邊浦驅馬悠悠此日程望斷翠華芳草合空餘行
在暮烟橫風流漢客各無恙慷慨唐臣氣若生俯仰乾坤今古
別落花啼鳥重含情

以下見舊志

題魯公祠

山東僉事內江劉時敏

廟貌雄千載精英凜若生古今真鐵漢天地舊長城數語冰霜
烈孤忠日月明觀風經此過瞻拜不勝情

武德兵備臨潼李三才

平原縣志

卷之十 藝文下

四

瓦敗垣頽戶欲欹土人傳是魯公祠空階古木依殘草絕世英
風寄斷碑天子當年驚姓字吾曹今日拜光儀往來車馬紛無
數誰采青蘋薦酒卮

魯公祠送省吾丈入賀用李棠軒韻

李三才

匆匆東國嘆浮雲勝地何堪把袂分車動馬嘶人欲去天高日
落鴈初聞淒涼往哲猶遺廟磨滅殘碑祇斷文懷古知君心不
淺高呼千里謁賢君

三義祠

德州知州黃梅邢奎

三義祠堂鎖暮雲庭前柏子落紛紛桃園不改青山在漢鼎輕
將赤手分竟日檐風來寢殿一春萱雨繡碑文寥天何處秋聲

起疑有金戈靜夜聞

前題二首

副使張珩

漢末羣雄起桃園結義深紛紛征戰士誰識豫州心

初拜平原相勞思日已深纔萌興漢念便有殺瞞心

前題

蘇州縣志卷之三

知州費邑朱紳

天限炎劉四百年英雄猶自奮謀猷恩懷兄弟同魚水義感乾坤紹冕旒一誤無人追赤壁萬全何必據荊州古祠幾度秋風吼疑是當年恨未休

又

蘇州縣志卷之三

石泉道人

舊志闕名

閩豎紊乾綱牝雞司晨極黨錮珍善人黃巾破都邑垂涎漢鼎平原縣志

卷之十 藝文下

五

稱干戈曹瞞孫策權謀多痛思社稷破漢賊勢孤力弱將奈何遠從舊識借兵力屈投公孫官一職桃園深處結同胞萬里馳驅成羽翼汝徐取豫入荊州百萬旌旗射斗牛孫權結援曹瞞走百二山河指日收詎期與國忘唇齒漢壽被擒車騎死可憐炎漢舊乾坤一旦瓜分成鼎時分荆據蜀守嗟峨王業偏安感慨多稱王稱伯俱塵土三義英聲永不磨

又

蘇州縣志卷之三

德州學正太湖李良機

桃園爛熳簇蒸霞棠棣枝頭賽萼華帝業栽培先漢賊九州恢復始三巴風塵黯黯中原競雲樹蒼蒼棧道賒未信一身同骨肉一心從義屬王家

津期古跡

天津古跡 八面來水效製諸關名數丹

霽虹天外駕長秋龍準旌旗半野浮萬姓只沾饗輦數百年纔

見一巡遊郊圻古渡春常在桑柘新原雨欲收回想此方多世

澤故陵還是舊封侯壘城增風韻鐵鼓難辨蒼目具田家委便

豐林穀城懷古思懷侯春坐坐人萃餘杏闌裝飛李良機

青海徐生已感秦王孫何處是秦宮漢法忘功議深懼淮

陰告不臣芸草靡無先避谷桃花溪澗可尋春玉貂不復歸城

闕望望雲霞天外人壽壽部致聖聖又風雷當年勝部人

青陵

青陵 今歸西晉劉琨詩 滄浪子 舊志 闕各

禱雨雨如霖精靈能感物青草鎖泉臺人號神龍窟

平原縣志

卷之十 藝文下

六

遊青陵

按詩中庚蒸兼書 吳人 張祿 蓋遵洪武正韻也

過隙光陰忽暗驚十年今復到青陵看詩便覺成陳迹屈指猶

能數舊僧法鉢水澄龍霧暗經壇寂虎風清當年割席人何

處獨倚長廊聽笛聲

青陵曲陸道中 秦王 張祿

煙村疎雨過春遲野外春生半入稔榆杏鬪芳妍畫垆鶯鳩啜

語嘯晴滑雲歌處處聲如徵風韻噓噓聽作箎自是田家多剝

樂盤桓桑梓孰如伊

勘災平原途中有感

劉時敦

今年底事又多災亢旱纔過久雨來水送蛟龍傷稼穡田連阡

陌長蒿萊嗷嗷赤子愁難盡黯黯陰雲撥不開甚如疎櫛延此
禍郵亭幾度重哀哀

閑道書院

原名雲龍

卷之十

雲龍高棟拱城東子產當年教化隆儒釋本來天壤隔廢興白

爾古今同董帷燈火琉璃盡馬帳春風貝葉空千載斯文有張

圭肯教仍作梵王宮

飲雲龍書院

翰林李長春

携來片片岱宗雲把向尊前醉裏分日落孤城沙鴈起月明荒

館草蟲聞砧聲淒斷連宵拆劍氣憑陵逼斗文縱飲追權曾此

地已將十日許夫君

平原縣志

卷之十 藝文下

七

此日同前次韻 戶部郎中臨清分司黃岡易做之

風送旌旄捲曙雲臨歧携手惜離分河橋柳色經秋見驛路驪

歌帶月聞黃菊香浮金谷酒青藜影拂石渠文三台咫尺頻凝

睇夜夜清光如對君

王鳳孝行詩

進士歷城谷繼宗

結草爲廬枕墓棲三年曠野伴烏啼聞今茂宰嘉純孝欲薦王

褒荷紫泥

前題

邑人張一厚

墓木成林手自栽荒廬不鎖夜雲開羣居皓鳥還依止結伴紅

霞時往來早侍庭幃多順色再旋城市轉悲哀芝房寶鼎非王

瑞至德真心動上台

淳熙寺閣錄

張祿

海鯨夜韻最悠然清梵憑虛自入禪
霧宿佛燈晴亦雨香浮古殿俗如
仙西風遠播餘音迥北斗頻移永
夜綿誰道客中聞不得金聲直達
九重天

淳熙寺漫興
張祿

杖西來訪大顛空門風味倍蕭然
南薰蒲座曇花落午日當

塲墦影圓揮壁有詩還宿債覓厨
無火沸茶烟覽余不盡登臨

興閒遇松陰伴鶴眠

以上見舊志

知縣四明周汝觀

平原縣志

卷之十 藝文下

八

公子翩翩有令名時危慷慨寄專城
喻函飛騎朝臨塞梁楚徵書夜勒
兵臥內符來悲晉鄙囊中穎出託
毛生千秋俠氣空遺壘弔古行歌
無限情

懷東方先生
周汝觀

咄嗟東方生矯矯異凡質躡足向蓬瀛
三食蟠桃實忽欲窺塵宇驅颺下
瑤室荒辭聳帝聽髡也詎其匹揮
戟叱倖臣官妹悉股栗割肉反見
譽著論以自遮金馬可沈淪神龍
誰究詰妙麗夏侯辭瑰勁顏公筆
我來尋遺蹤殊愧飛鳧術鞅掌徒
為勞高

風仰峯錄

酌平原相史公

周汝觀

憶自桐江理釣綸東京氣節並嶙峋
羣豪新慶龍門御常侍高
吹虎穴塵紆患千年傳盛事株連五郡更何人
萍蹤俯仰懷先
詰桂醕秋風一悵神

謁劉先主廟

周汝觀

炎鼎東看王氣摧年來帝胄逐塵埃
神龍未借風雲便鞍馬徒
驚歲月催睥睨孤城烽火急縱橫列郡鼓
鼙哀劍門猶是偏安
業落日中原首重回

謁顏魯公祠

石刻在祠東壁

周汝觀

青編把誦欲霑襟悵對祠前思轉深
河朔孤城誰奮臂大梁片
紙獨甘心忠英自合還川嶽雄堞由來壯
古今最惜太原龍氣
平原縣志 卷之十 藝文下 九

盡野燐山嘯晝陰

前題

知縣關中劉儀鳳

忠貞廟貌曙光寒瞻拜令人心自酸
烏篆殘碑依牖戶虬枝老
樹映衣冠奮戈行在水霜烈守死孤城日
月闌唐室幾更名尚
顯千秋香火耀忠壇

前題二首

知縣四明黃景章

祠下桃源繞高城列壯圖忠魂往古在
姓氏此邦俱烟散千家
火苦生半壁孤梁間泥欲滿無數鷲將雛

肅建新壇宇神靈被物華功懸雙日月
像隱半烟霞祀典清平
候齋心俎豆家烏飛城漸暮猶帶夕暉斜

已亥歲饑秋郊卽事二首

周汝觀

晨星驅歎段落日照寒衣漸見牛羊出翻憐鴻鴈飛恒場傷歲稼多騰薦民饑拯球慙無策臨風淚一揮

蒼烟散秋隴新雨濕荒村有麥期明稔無禾足夜殮周征寬粟帛漢稅急雞豚竚立望南北平沙晝欲昏

雲凝古渡

按八景本多附會舊續志所載唱和諸什磨泐尤甚今取其字跡可辨者每題各登一二首以

存勝

周汝觀

明堂華敞岱宗開列聖巡遊此地來翠蓋一時龍馭肅白雲千載鴈行迴

霞襯桃園

周汝觀

平原縣志

卷之十

藝文下

十

三義高踪俗共誇廟前猶自種桃花相看底事徒增慨好向春風醉暮霞

又

邑人宋 仕

大義扶劉世共誇歸然廟貌映園花千年生氣今猶在灼灼攢成捧日霞

仙橋闢野

周汝觀

功成早結赤松盟林藪經過紫氣盈昨夜天風下楊柳祇疑明月坐吹笙

又

邑人張 敬

侯爵高辭伴赤松野橋荒逕度仙蹤風前月下懷空響唯有遙

一片鐘

禹鑿通天

周汝觀

南津西接大河流疏淪平年奠此州安得神功起當代等閒銷
却帝陵憂

又

張敬

初判鴻濛疏導通鬲津元屬九河中卽今已涸桃花水里巷猶
稱夏帝功

鳩野春耕

黃景章

耕雲藝雨播民和布穀聲聲柳外過自是勞年艱稼穡還愁候

吏問催科

平原縣志

卷之十 藝文下

七

吏問又釋

張敬

荷鎮如雲徧綠疇水生低壑野煙浮農歌婦餉村村續麥隴春

鷺囀未休春綠

黃景章

徐夏龍漱響應

張敬

半潭澄碧鬱雲停中有潛虬歷晦冥時作青陵甘雨沛四郊千

畝盡含青

張敬

曉鐘鳴梵

周汝觀

于門楊柳曙生烟古寺鐘聲雲外傳欲把塵根寄空寂誰能暹

我拾青蓮

黃景章

又

黃景章

山水清暉古刹間此中別是一塵寰鐘聲四野皆成響薄籟傳
來任往還

暮堞連雲入英風經滄古今勝蹟豈未訛長黃景章詩
暉中時有白雲封雉堞鱗鱗翠幾重却憶魯公芳軌在忠靈干

古照芙蓉賦芙蓉露華正秋氣平

題察院公署二首 萬歷己酉夏日 巡按御史古欽畢懋康詩愈

廡亭來爽氣退食此盤桓鶴跡留苔徑鶯聲滿藥欄窻前開日
淨柱後曉霜寒鞅掌嗟行役長吟興未闌

河院逼幽處翛然隔市喧風雷撼樹吼星月傍花繁槐影搖虛

幌蘿陰翳短垣到來塵慮遠彷彿入桃源 漢桃園屬縣治故云

言原縣志 卷之十 藝文下

按禹城商河旱災 劉儀鳳

稅方多事雨暘又爽期蒸民嗟散亂廊廟未全知 劉儀鳳

德州歸途喜雨 劉儀鳳

注復如傾倏然溝澮盈洪爐滅虐焰黎庶動懽聲隄陌草花

潤郊原禾黍榮深仁遯帝力大有兆秋成行役寧知倦催科愈

輕年來應奏績藉手頌康平 以上見舊續志

謁顏魯公祠 石刻在祠西壁 明署縣篆遷安彭友直 德州判

死如歸幾丈夫英風勁節古今無疆場未靖身先隕月黑城

泣夜烏 以下俱新增

顏魯公祠歌 有中丞吳之藻黃麟德四碑沈應奎

華天天地開大界，皇赫赫氛壞唐家宮。寢窟胡兒笑殺清
朝旨，且贖漁陽兵馬悍。更驕羯鼓一震腥，風颺二十四郡盡漂
瓦。平原乃有討逆杓，平原建杓者誰幟。師古世孫清臣字平生，
澹蕩抱慷慨。城頭獨灑君王淚，增俾鍛甲士猛悍。鄰封慕義爭
歸款，齊盟誓衆膽氣豪。立斬于光收潰散，清河乞師來李粵。折
節願請勤王畧，銳卒橫鐔噀口開孤忠。直向行宮託鑿軫，草莽
但羈縻。百僚那識漢官儀，中丞白簡生氣色。頓令王公如伏雌，
天未厭禍龍蛇競。雄狐巨虺遞操柄，剛腸黯黯白晝昏。黃髮終
殺偃月穿淮西，叛帥毒方煽。南面稱孤日，光眎三朝元老赴單
車。仗有赤心懸一片，頭項已拚膏斧質。仰面罵賊離糾纒，常山
平原縣志

卷之十 藝文下

三

平原雨不愁，瑩然雙壁澄寒潭。千秋自了男兒事，羞向風塵說
若甘。所望君王能致治，忠賢親近奸諛竄。魯公本是將相才，當
年誰定英雄案。翰墨傳流絕儔伍，丹青面目今猶古。憐予吳越
水國人，低回祠下漫狂吐。嗟嗟江漢東流不復西，黃金朝市亂
烏啼。干鈞勢重一絲引，那得如公振鼓鼙。

可泉先生邀過釋幕園得截句十二首拈筆書之以寄仰

止之意

尚書新安呂維祺

時官可理

先生豈小隱，寸心矢魏闕。龜作鹽梅明，王夢傳說

小隱堂

高樓倚欄眺，隱見窮齊魯。忽飛岱雲白，片許崇朝雨。

白雲樓

一室剛斗大，綽然足千古。中有南陽龍，抱膝吟梁父。

容膝軒

宰官今世因結茹禮大士願將楊枝水天香灑珠子白衣庵

小小歲寒亭亭前孤松在頗似老臣心年年青不改歲寒亭

明月豈可問對影聊成三世間惟此物多取不為貪問月亭

名花段段錦片雲時覆屣分明邵子窩不是石家谷錦雲窩

南風吹萬籟小窻睡一覺非聞非非聞喧寂都不著問籟亭

一竿垂絲綸不釣雙白魚忘機鷗不飛門有蒲輪車釣磯

臭味耽幽谷門前無雜賓典到即修袂何必永和春亦蘭亭

吾不如老農聊以知稼穡安得人上者盡知民艱食軒不如

五雲爛德輝有鳳出丹窟翩翩將其雛隱然棲叢竹攬輝臺

奉題繹幕園二律
刑部主事冀懋中

平原縣志 卷之十 藝文下 十四

宋玉耽奇勝宏開繹幕園虛亭來遠色飛閣倚天闊辭賦六朝

俊風流北海尊開將今古意暫寄此翩翩

翩翩曳履客逸韻在名園人物東山屐松杉綠墊軒法星臨帝

座紫氣滿平原自是于公里森森玉樹蕃

清明同趙憲伯霍侍御遊繹幕園 邑人高知止

共策蹄輪一暫遊踏青西郭為淹留百花深處聽黃鳥五柳陰

中繫紫騮詩句能描林野趣酒杯可散寂岑愁華堂珍重多清

景幾度相看醉未休

諸生城守夜半共酌次韻 邑人張同春 虞生 早世

同仇飛羽學抗志枕戈夜氣喧銅斗得呼煩玉珂暫清潁水

吳邑侯步禱感雨晴呈十韻

膏雨九天霑油雲百里同不因環茅艾誰復晴龍蔥齋閣愁孤
鶴襜帷網暗蟲屏翳雜野服重蘭叩神宮幽贊丹忱炯真符元
鑒通禱林法聖后暴野邁前雄陰石鞭應泣陽鳥翻轉窮鴻茲
涼瑟瑟都作綠芄芄傳美歌流澍洗冤懷故風惠文君易耳的
是舊顏公

淳熙寺

張同春

僧房撤盡見高城春樹霏微四望平雲滿夕陽半塔在柏低古

殿一僧迎繞除迴眺生寥廓跌坐支願引遠清偶到蕭然成興

平原縣志

卷之十

藝文下

五

會地偏不斷是禽聲

陸店接黃河

國朝刑部尚書新城王士禎

曲陸店接黃河厓朝來一雨清風霾青松短壑不能住騎驢又

踏長安街

平原署中古槐歌

侍郎黔撫安邱曹申吉

亭畔老槐蒼然立凌霄那許烏鴉集空庭日夜響長風突兀不

動山與同百年古驛閱人久代謝榮枯世常有此樹婆娑生意

新高柯不改舊時春牆外一株亦夭矯菁蔥相對同昏曉錯落

虬枝如弟兄勢將連臂踏空行強者顧盼低者揖中宵月下晴

烟濕材高磊落誰得知胡爲棄爾梁棟姿

按今署無亭槐亦無矣歲乙丑余補植兩

楓於東齋題中
題曰雙槐判

平原

多病難乘欵段遊巾車此日得夷猶揮鞭塵起如迴雪卷幔風
來比泛舟青靄近通溟渤道黃河舊斷鬲津流茫茫百感誰能
遣欲向平原問督郵

又東木芍藥行

邑人徐乾學

平原城邑古海岱驛程分危堞依林靄崇岡澹夕曛參差鴈影
沒斷續鐸聲聞欲覓督郵醉銀魚吾已焚再日與燕報甲古
平對平原縣作

戰國六雄蕩天紀賢豪獨數四公子拚將七尺交博徒詎惜千

平原縣志

卷之十藝文下

六

金酬死士紛紛輕俠走不休一生所急惟恩讐虞卿樓緩皆上
客惟恨未從毛薛游邯鄲城南古都市衽服鞮臺爭跼疑當時
惟讓信陵君黃歇田文安足齒古道悠悠事已陳撫時弔古一
沾巾柳綿吹盡征衫破那得餘絲繡此人

堂東木芍藥行

邑人張亮臣

堂前闢地纒數尺移植名花非旦夕俯仰之間五十年輒經四
世如駒隙中更滄海易桑田數株無恙尚依然灌木叢葩多變
置憑仗東風惟爾全年來主人意興惡花神似與共蕭索出其
緒餘亦纒紛不脫繁華猶綽約今年見花花更好迎風待月非
草草淡紅蕊若倍宜人氤氳香霧盈懷抱細傷衣薄不重樓此

人之咎非花尤主人枯槁乏灌溉看花寧不爲花羞坐對花神
三歎息從茲護惜無遺力堂上書生亦白頭共爾年年事培植
官穀行

荒年羣集領官穀數口嗷嗷爭一斛饑來一飽更何求不圖剗
卻心頭肉卅年通籍無足論底事隨人亦僕僕莫將貧富怨天
公生平原未嘗口腹三旬九食彼何人况我無才尤碌碌一簞
未厭腐儒餐敢云被褐玉在匱去年更事苦殘冬哀哀老弱填
溝瀆春來幽谷轉陽和競傳明府施饋粥愧我無能構萬間親
戚故舊同頻顛分得官粟不忍嘗衆樂何如徒樂獨鳩形鵠面
尚紛紛匍匐吞聲惟野哭願言稱貸不能償更從何處覓半菽
平原縣志 卷之十 藝文下 七

遊邑東古寺 卽園頭寺

尋幽來古寺重殿鎖烟雨松老結龍鱗林深藏野霧空堂鐘磬
懸峭壁猿猴聚有友携酒樽借余恣緩步禪房隱薜蘿曲徑多
孤趣窗外碧桃花紅芳已滿樹頽然擊唾壺坐挽白雲住散髮
問山僧追能燒野芋開襟滌世塵嘯味成歡呼醉後倚蒼茫歸
筇忘日暮

春日懷士味園兼憶舊遊諸子

何地春光好還思士味園花光依綠水柳色帶衙門少長同三
徑風雲付一樽遙知臨眺處爽氣映朝暾

秋日張孝廉天目招飲芝壩

董訥

不到芝塏二十年重來兩鬢已皤然青崖綠水蒼龍宅黃葉丹
林白露天愛客頻斟賢聖酒乘風又泛孝廉船漁翁記得曾遊
處指點疎楊落照邊

昂邑侯禱雨立沛喜而城詩

恩波幾載徧荒城步疇辛勤豈爲名水在心頭隨地是雲從脚
下向天生龍翻滄海羣珠落樹帶飛泉萬瀨鳴老子茅簷偏躡
躍也同田父說升平

卽園八首

揀得林深處幽棲好閉門幾間青瓦屋十畝白雲村僻地穿溪
曲深灣臥柳根年來心跡靜野鶴共朝昏

平原縣志

卷之十 藝文下

六

月光隨步屨窈窕入長廊門徑參差出牆花次第香短欄棲晚
照高木納新涼踪跡人來少還看野鳥翔
宛轉西溪路臨波駕板橋白蓮浮水面紅日下山腰筇瘦臺偏
迴林空鶴可招悠然成野趣隨意入雲遙

高岸營方丈朱簾照綠波四窗風盡到兩處樹偏多寒水堪烹
茗蠻童不解歌貪眠虛牖下萬箇竹婆娑
積土成高嶺蓬山可在東嵯峨臨水際曲折入花叢老樹依峯
立懸崖有路通青鞵臨絕頂徙倚落霞中

逶迤南浦岸引步入林間榆柳皆千尺亭臺共一山凭高猶目
健小坐覺心閒下嶺投西去藤蘿任意攀

石磽坳不帶偏生蔬
儘夫尋南境蒼涼古道橫
林柏虹弄影翻下鳥通行
選地栽紅
窗兒欄看晚晴一杯桑落酒此外欲何營

即事詩
董平訥

平原四郭人烟集
二七爲期五與十
肩挑車載覓生涯
麥豆成行兼黍稷
賈人繹絡來畿南
均平貿易歡顏色
閭閻正供輸
公家餘錢入口充
朝食羹斷忽騰市
井中幾人虎視當
風立隨意盈虛斗
與升飛揚跋扈同
驕卒每斗索錢定
六銖揮拳直下仍呵叱
田家無奈暗吞聲
怨苦千端說不出
可憐土著走他鄉
羣

平原縣志

卷之十

藝文下

九

商遠避如風疾
屢居寥落對荒城
日見狂飈埋雲黑
老子聞之感歎生
展轉牀頭心惻惻
長吏廉明稅不多
典衣代納無傷國
豈不知山中萬事
須埋頭但求鄉井
同休息

郭外即事

董平訥

雪後林間玉作田
風光遙望是豐年
偏騰米價城邊市
半冷人家籠裏烟
肯放饑寒常入眼
惟愁衰老亦空拳
蠲租幸有餘糧在一
碗分來不費錢

擬新春於東嶽廟舊地賚賑一月偶成此詩
董訥

樵漁結伴共閒身
形影相憐意最真
不是名心偏在老
只因蠲日每多貧
半炊聊續千家火
九十仍慚一月春
東郭雲林尋舊

跡加餐疑有去年人

秋日南園泛舟

董訥

清風隨我入秋林
鷺岸蒼涼近碧潯
送眼蓬窻楓未老
挈烟漁棹水猶深
杯擎竹葉和雲酌
瀑冷山龍帶雪吟
自是塵埃飛不到
白波紅蓼照人心

康熙甲子冬十月六日恭遇

聖駕東巡經過平原

臣琦

蒙

聖恩

命講中庸予懷明德一節畢

召對

命講中庸予懷明德一節畢

天顏甚悅獎諭再三
聖恩中禮總是教人
以人合天之意仰見

平原縣志

卷之十

藝文下

三

聖學高深非佔畢
所能闡測

臣琦

不揣謏陋共紀四章以志

不朽

邑人張琦

六龍東幸上元年
駐蹕鄒城十月天
供頓無煩間左力
行厨盡

用大官錢權迎鶴
髮遮馳道遙見霓
旌繞瑞烟自分腐
儒甘膻

不誰知得近

至尊前

傳呼侍衛盡衣黃

味爽酒罷登山
瞻普澤
自城風無派不

特勅恩隨鵝鷺行
止輦溫溫觀

帝語

問爾子孫幾人皆進學否

講筵款款惹天
香風清

卷之十

聖學淵源聞咫尺獻詩未敢效襄陽

清問時勤願歲豐民生國計本無窮問東首年歲豐歉蠲租異數頒三輔

賜復新恩澤二東詔全蠲丁徭鞞鐸常懸天下濟芻蕘徧採地同風

酬知愧乏齊賢策白腹何堪珍賚蒙賜如茶

清徹鐘聲唱曉初龍旂曲蓋映

鸞輿千官口擁寒林外萬騎雲從曠野餘草莽趨蹌隨虎拜幄宮

引贊聽鴻臚

宸遊攬勝平原地內侍頒還縣志書先是上問平原有何古蹟命將縣志進呈

駕至平原縣七里舖特頒

諭旨蠲免東省明年正賦康熙己巳正月十四日大學士海寧陳元龍

平原縣志 卷之十 藝文

青齊復見度

金輿省俗重煩問里閭共慶民風安作息還傳

天語沛蠲除推恩寧待回鑿日草詔頻催下馬餘聞

命濡毫先拜舞從今汗簡不勝書

帝咨民瘼厪如傷欲令崇朝愷澤滂中使飛馳催進草侍臣呵凍

未成章周廬盡處燒官燭蓋如

行殿歸遲染御香為待嚴程須早發夜深不敢解衣裳

駐蹕平原召扈從翰林揆敘宋大業查昇汪士鋐陳壯履闡延儻

暨元龍七人至

行宮內徹

御膳

賜食畢宣至

御前

命各書綾字一幅

上親灑宸翰書雲飛北闕輕陰散雨歇南山積翠來諸臣環立瞻

仰

上指示書學奧妙各同年齒良久始出遭逢異數恭紀五言排律

十二韻

陳元龍

河工新底積善後屢堯心銜水馳青取平原駐碧灣年

象瑞應六龍臨

平原縣志

卷之十

三

皇情惜寸陰披圖探學海

賜膳登瑤席含毫聽

玉音

天章文苑寶

聖訓侍臣箴垂露窮源惠曝池妙理深儲鑑歌

萬壽蒙昧啓微忱扈從依霄漢殊榮邁古今職懶管筆久

思念鬢霜侵蒲柳辜高厚驚心淚不禁

過平原南樓

通政司叅議德州孫勳

高山空峙水空流欲盡青恨未休白髮門生報何日蕭蕭風

雨過南樓

平原懷古

高唐朱 絢

平原賓客散如塵，往迹低回逝鬲津。
公子高懷千古絕，夕陽愁對賣漿人。

蠶門龍起

邑人董 調

山雲來四極，靈巖巒巒奔。落雨不數點，一聲色界翻。
居人顏盡變，龍起樞星門。裂柱衝碧瓦，瓦碎如濺噴。
當其潛地底，黼光蚓穴存。是夕維乙未，神力動乾坤。
嗟此蠶官士，數載未升掄。知俱沉埋久，文瀾滄海吞。
最哉揺紫電，乘螭卸滯魂。

遇張又韓成趣園口占

邑人董 訪

翠蔓爲藏窈窕門，羨君寄傲似山村。
半窻樹欲籠書卷，點市塵平原縣志

卷之十

藝文下

三

難污薜痕，接坐但勞烹。顧渚醉心何必酌，崑崙詩探竹麓生芒。
角疑是冰壺貯月魂。

遊趙氏別業

邑人董 訪

清風吹我出愁城，會向雲莊覓邵平。
石割崑崙崙當戶，立泉移酌突傍檐。
鳴忘憂草，勸酒干殘解。語花邀棋一枰薄，暮欲歸歸不得。
留人好月亦多情。

再過成趣園夜坐次韻

邑人董 訪

日到高齋未覺煩，要教愁裏興偏新。
除詩以外無知己，况路非遙有解人。
留我劇談鏗作意，伴君堅坐視相親。
豪家此際能僵臥，領畧風光却讓貧。

高唐朱 訪

紅衫抖擻水沉香到此
年董奉家此垂可賦
水漲平橋舟繫門風光澹蕩變朝昏羣鵝掌弄清波裏醋似江

外轉滄桑

同蕭侍讀韓坡遊平原董釣菴園亭二首 田 廉

共赴招邀路漸賒平原嶺上日西斜遙看杏樹千章綠不讓當

年董奉家此垂可賦

水漲平橋舟繫門風光澹蕩變朝昏羣鵝掌弄清波裏醋似江

南把釣村

環水園仰事 邑人張伯珣

野水綠彎環高樓翠靄間茶烟凝樹紫酒氣著花斑對局都忘

平原縣志

卷之十 藝文下

三

世題詩暫累閒雨餘平楚色一片米家山

邑侯施公忙任末期以憂去士民惜之日占紀事

張伯珣

詎意嚴霜後能令化雨私戴星朝問俗飛雪夜裁詩柳色臨岐

梓棠陰滿地垂可知頰水畔千載有遺思

過鄭煥若園亭

萬樹周遭碧中開四面軒時當讀書暇留客共清言竹色斜侵

映荷香細拂尊蕭然無六月疎雨過前村

夜過淳熙寺

張伯珣

滿地明月光塔影臥其上萬嶺青天空時聽木魚響

二如園贈董行人茲鈞

張伯理

長河湯湯日北注環繞新橋爲佳處共道人文此地開不知靈
氣乾坤聚翁闈名園萃衆芳幽花疎樹閒修篁一編竟日坐相
對兩童煮茗兼焚香門前或到高人駕纔啓柴關遠相迓網鮮
沽酒醉斜陽拈韻分題仍丙夜新詩語語帶烟霞簾成一出人
爭誇饒他園裏芬芳色不及先生筆底花

此君堂

張伯理

主人燕坐吐清芬何可一日無此君低回嘯咏頗自適眼前俗
物徒紛紛美人不來還獨倚小院風迴暮濤起隔檻秋陰落酒
尊滿簾濕翠浮書几蔣家三徑阮家林千載榛蕪不可尋只有
平原縣志

卷之十 藝文下

三五

簞簪留伴青青不改歲寒心

癸未正月廿二日迎

駕恭紀五首

邑人董思凝

遙望

龍顏漸儼然舉頭繡繖祥烟不愁日與長安遠此地重瞻尺五

天

咫尺

天威大道旁最慙草野失趨踰誰知分外承

恩顧不忘當年執戟郎

竹屋茅檐寄此身門依村曲對隣响從今草木皆生色覩覓

鑾輿駐水濱

白柄長鏡手自攜年來小摘滿秋畦

至尊特地容清供要識田家百瓮壘

雲漢

宸章迥不同小臣拜

賜章堂中城南父老驚相語夜有榮光上燭空

與張漣漪荆家堂看紅葉

董思凝

偏從青女借春光深淺高低作晚涼
趙后舞裙飄木杪石家錦障單
池塘蝶迷曉夢花千片鵲咽寒枝淚
萬行秋意莫教搖落盡好留顏色展重陽

平原縣志

卷之十

藝文下

三

董路口賞杏花雜咏四首

董思凝

逆朝尊酒意殷勤爛醉歸來日漸曛
何似白頭虞閣老年年騎馬在燕雲

招携少長各殷勤場圃開筵面夕曛
極目杏花三萬樹外人遙指是紅雲

輕寒猶是養花天莫遣東風爾許顛
應念勞人憔悴甚儘教十日醉花前

清狂好趁艷陽天亂插繁花老上顛
忽憶虎邱明月夜十番小

鼓落花前

余自癸未迄丁亥各遊吳門者五年

中元前飲董養齋南樓觀月

長洲范

濬

教習知縣

南樓傑構接層城危級悲陵邑
灑月光盈醉傾吳酒飛觴急
永歸鞭遙指玉繩橫

寄懷平原及門諸子

訓導海陽鞠 濂

酸風斜度小橋頭黯爾垂鞭不再留
一帶低雲橫北路幾行高柳暗南樓
亦知神合遠猶近其奈跡踈春復秋
嘗憶臨岐三四語山桃初放待重遊

平原懷古六首

舉人溧陽黃兆熊

繹幕郁封委廢邱翩翩公子邑長留
激昂風尚齊兼趙大雅淵源魯復鄒
此日原田侵鹼氣當年河瀆抱城流
一從隄決東南

平原縣志

卷之十 藝文下

七

去莽蒼難尋古渡頭

其一

下邑先經守相臨披編歷歷想棠陰
仁於鈎黨斯真勇古有桃園合到今
校長祠堂淪廢圃賢侯碑石化殘碣
只餘魯國忠魂耀矜蠻還依保障深

其二

名宦

逆居一夜付轟雷孝感流傳足補咳
藥授黃衣非夢幻廬翬白鶴若呼來
房家友愛承歡最杜子移思反哺哀
風厲自今臚俎豆勝朝典膳也追陪

其三

孝行

急難原憑義氣肩東京禮子若開先
孝廉獻寶回甯箴小吏拚軀飲賊鉅
長上固關恩誼重鄉閭尤羨睦婣
請看凶歲房陽

粥不減劉家續命田

其四

義行

政譜當從惻惻探元明詔獨深諫但能飯麥何須米可信泉
鹹亦變甘赤水賦蠲枯井潤清河身教逆民惠諸公袞袞風流
在都映襄城續美談其五 循吏

天與才同福不同何如鐘跡學牆東景先自顯羊裘後元靖翻
垂錦被中百卷春秋誇世濟五經奏記歎途窮多能少府神奇
甚底事延年術未工其六 文學

謁顏魯公祠

知縣溧陽黃懷祖

河朔羶風半壁傾心膂力障獨書生三千義旅收羣策十七屨
鄰仗主盟玉貌何須天子識鐵肝終與從兄并瓣香展謁公如
在奕奕靈旗動碧甍

平原縣志

卷之十 藝文下

三

聖駕東巡經平原西境比返 蹕將至平原前三日

頒賜臣懷祖內緞一端荷包二枚白金二錠謝

恩恭紀

臣黃懷祖

聖心勤繼序清問切觀民東指三齊境時巡二月春平原承

幸早行幄近光親暫駐龍旂旋過馬頰津日遲舒媚色風輒絕

纖塵到處隆儀舉無邊渥澤勻歡方騰萬井

賜更及微臣璀璨天孫錦精良內府銀荷囊雙美稱墨綬一朝新

儼示陶鑒範常期佩服循鑪金滋踴躍襪線愧縫紉何以酬

高厚宏推撫字仁

弔任貞女墓

黃懷祖

世間萬物有銷歇貞義芳名千古揭深閨弱質豈徇名志厚
霜光日月繫余承之平原宰宣化維風肆報採從一而終比
然結髮恩深宜不改故明貞女義更高未曾結髮誓兩髦遺
嗟無短褐表幽芳幸有衆辭褒貞女姓任氏幼字李孺子孺
子忽病殤女年十三耳訃至吞聲哭蔬素辭膏沐生死李氏
身完璧甘藏匱父母憐兒韶齒穉別選高門擬更字貞女微
聞便絕餐死歸肯復求生寄感得雙親鑒此誠從茲末杜悅
危驚兀守空閨五十載青蛾白首卒全貞玉骨冰肌一抔覆
李子泉臺應邂逅當年撫實勤貞珉仗有君家少司寇嘉隆
以降激揚表棹楔題旌倩阿誰來往低回重吁悵賸得人稱
墮淚碑竄取無端

平原縣志

卷之十 藝文下

三

羅鬼蜮槌鑿橫施文剝泐路旁天假有心人姓氏熒熒猶辨
識幾度春秋逐逝波人人指點撥晴莎傳播到今碑在口碑
可磨兮名不磨余聞此語喟長歎匪石何能隨石爛命車載
酒酌貞魂欲請追旌迷故閨小北關北護城隄箇中舊路西
復西三尺荒墳須認取樂安貞女此幽棲重爲伐石表其墓
勤語脯甲加封樹志之邑乘祀之祠風徽百代憑追溯或疑
女也異旣醮夫死不過服衰弔葬則除之奚守爲過情翻若
垂中道咄哉末俗胡拘牽婦女誰容有二天此身許字分
卽定獨行其是斯能賢君不見首陽高躅未臣紂餓死還
嫌周粟垢又不見宗魯注董殉戰場幾曾委質膺封疆天經
地義當如此聖人取之良有以

處變能權正得中求心所安非激說身嗟乎任女貞換天性
已嫁未嫁何足論慷慨從容義兼盡昭茲來許綱常尊清風悠
悠月色白神人呵護期無數蕪詞深媿幻婦詞貞石應同望夫
石

晚過馬頰河

邑人張方載

白雲紅樹滿汀洲閩風生蘆荻秋立馬橋邊天欲暮一輪斜
日水中流

芝埕汎舟

張方載

微風斜日漾清漣楊柳陰中上釣船隔岸帘搖村舍酒入雲聲

響樹頭蟬纖塵不染人如鷺一色無痕水共天忽憶名鉤譚子

平原縣志

卷之十 藝文下

三

國只教飛棹蕩湖烟

今春曾於濟南明湖汎舟

過興泉寺

張方載

鐘聲何處動匹馬入高林寺古槐根露僧稀徑草深野花依岸

發谷鳥向人吟何日拋塵事安禪得素心

樊將軍墓

副貢海豐李魯

鳳落牛眠不可知耕夫有爲剗萋迷桑田滄海無城郭墜葉秋

風話別離沛上椒房屠伯起湟中烈士旅人悲千年一點斜陽

日照見重泉榮戟兒

咏劉孝標燈麻炬讀書事

邑人董元賡

法武少年時羈跡桑乾埃磊落氣未降跌宕攻文史曾聞燈麻

炬用夜以繼晷棲遲廡下人精力能如此何怪任江南錦被對
天子豈必效蘇君辛苦成摩揣天性是書洛文章契玄旨一物
倘不知問心良足耻神與古人通清夜安能已燕髮亦尋常高
吟竊自喜公言少魯鈍開悟晚更美始知稽古者名理無堅壘
學能益神智天地會精髓平原有偉人千載光桑梓緬懷玄靖
風聞雞中夜起

平原縣志

卷之十

藝文下

五

風聞雞中夜起

五

學猶益軀晉天賦會賦潛平風夜會人子兼漢英林融公
學歸自喜公言少魯鈍開悟晚更美始知稽古者名理無堅壘
吟竊自喜公言少魯鈍開悟晚更美始知稽古者名理無堅壘
學能益神智天地會精髓平原有偉人千載光桑梓緬懷玄靖
風聞雞中夜起

